

# 葵園年刊

丁丑八月  
鄭家既  
拜題



## 葵園語錄

○余治莊子有年。領其要。得二語焉。曰喜怒哀樂。不入於胸次。竊嘗持此。以為衛生之經。而果有益也。噫。是吾師也夫。○讀書宜先立品。欲為端人正士。必自言笑不苟始。與人善接。隨處檢點。省卻多少悔尤。清夜默數。一日酬應。尚無失言失色處。使可安心穩睡。此穿過省身之要道也。○學以通經為先。而不熟必不能通。不讀必不能熟。每見學生十六七歲後。輒自命成材。束書高閣。作文時偶或繕閱。若令朗誦一過。便有慚色。年長者更不待言。爾輩實為可惜。史記稱孔子讀易韋編三絕。孟子言誦其詩讀其書。雖授徒垂老之年。亦不曾廢誦讀。學子勵志攻書。必應讀至爛熟。從容涵泳。義證自生。庶有左右逢原之樂。○荀子論學論治。皆以禮為宗。反復推詳。益明其指趣。為千古修道立教所莫能外。其曰倫類不通。不足謂善學。又曰。一物失稱。亂之端也。探聖門一貫之精。洞古今成敗之故。○借書不讀。是謂盜竊。人之立品。先宜省此。○余平生以書為性命。

二十八年五月  
王祖洵送末  
1649

# 錄目集本

葵園年刊第一集序.....曹典球

引言.....王祖陶

遺象.....何健

象蹟.....拙修輯

葵園年略.....拙修輯

## 遺香之屬

新舊唐書合注序.....待刊稿

元史拾補序.....待刊稿

外國通鑑序.....待刊稿

新修晉書序.....待刊稿

## 傳誌之屬

清史稽林列傳.....清史

王葵園先生家傳.....彭清藜

王葵園先生墓誌銘.....吳慶坻

長沙王先生墓碣.....黃兆枚

王葵園先生墓表.....顏昌曉

先府君葵園行狀.....王與祖等

## 序跋之屬

虛受堂文集後序.....葉德輝

虛受堂詩集後序.....葉德輝

葵園遺書跋.....李自尉

題葵園所著書後.....星廬

後漢書集解附續志集解校補跋.....黃山

## 哀祭之屬

葵園先生哀讚.....郭焯堃

王先生誄.....曹孟其

生日公祭文.....王嘯霖

## 雜記之屬

三植堂序.....曾國荃

永慕廬銘.....郭嵩濬

葵園記.....李楨

重修葵園記.....王祖陶

重修榮祿公祠堂記.....王祖陶

涼塘先墓記.....王祖陶

題涼塘隱居圖.....李世瑯

先王父葵園公著述目錄考.....王代蕃

## 名賢來札選錄

翁同龢 (二).....陳寶琛 (一)

譚鍾麟 (一).....曾紀澤 (一)

李慈銘 (一).....瞿鴻禨 (二)

.....吳慶坻 (一)

## 葵園年刊第一集序

予嘗稽古大儒之垂型萬葉。皆以著書明道。其先多奮起窮寒。茹苦力學。人視爲迂。已奉爲樂。用能游文六藝。留意仁義。踐履篤實。抱道荒山。萬物皆備。內聖外王。退則育才興學。進能利治保邦。此儒家者流。自漢以後所能爲世尊崇也。然大儒有書自傳。無待後世表章。後世景行其人。隆其祀典亦禮也。今歲夏正七月朔日。爲先師長沙王葵園先生九十有六誕辰。亦卽先生卽世二十週年紀念。哲嗣石菴昆仲。擬纂年刊。屬爲製序。予維先生清末大師。所學淵博。箸書四千百卷。早爲多士誦讀。其公祭典禮。則自壬申先生九十生日後。歲必舉行。茲編所錄。多門人後進之詩文。先生遺箸未刊者亦選載一二。雖於先生學問少所發摛。而學者讀之。持此以進求先生遺書。庶能得其要領矣。予又嘉石菴能修復園林。保守楹書。不泯先澤。延祺能自用功。震萬知紹祖風。相看高郵美範。重見湘州。斯予對師門之望也。與。是爲序。丁丑八月門人曹典球

## 引言

鳴庠。自我先公之去世。已二十年。小子不敏。未承先緒。而黃門之訓。心有愧焉。比年承公之門人故舊。惠賜詩文甚夥。彰我先德。景仰彌誠。壬申以來。歲行公祭。凡公生日。輒載特刊。今歲爲公卽世二十週年紀念。爰彙輯諸文。都爲一卷。命名葵園年刊。從叔先益任抄寫之勞。友人魏君節山曾與弟延禎同學有年。於吾家世甚熟。其人好學。喜借書觀。今適來寄居家園書樓講習。請任編纂。諾之。凡閱月而書成。亦吾家之美舉也。震萬姪所輯葵園公箸述目錄攷。尙未成編。錄其大要。祖陶雖未能讀先公之書而揚吾家學。則茲編也。流播海內。多士讀之。亦可以慰公於泉壤焉。丁丑七月朔男祖陶敬識

MA  
K825.4=6  
2



# 葵園年略

拙修敬輯

道光二十二年壬寅七月初一日子時  
生。  
始祖密。江南上元人。明正德進士

。官岳州府通判。始徙長沙。太高祖振璣。乾隆進士。高祖章。乾隆拔貢。通道安溪教諭。曾祖聲揚。



## 像贊

名士蚤達。例爲國寶。共仰經綸。際時未可。預知國亂。深憂在抱。退而著述。翼經術道。葵終向日。槐陰並好。雖逝永生。世護遺稿。

何鍵敬題

祖遠松。父錫光。俱縣學生。母鮑太夫人。時寓省城營盤街。

道光二十三年癸卯二歲。

道光二十四年甲辰三歲。

道光二十五年乙巳四歲。

始入家塾。從伯兄會庭君學。

道光二十六年丙午五歲。

道光二十七年丁未六歲。

學爲詩文。父命名曰先謙。字益吾。

葵園年刊 第一集

# 葵園歷年冥誕公祭

## 詩錄

孫代蕃遺言

## 王葵園先生冥誕公祭紀

### 念詩

彭清黎

馬齒匆匆越九旬。了無一字寫天真。夢中莫授生花筆。案上徒陳會友文。也自潛修嘗閉戶。曾聞譚說枉書紳。儒林道學都無分。孤負當年獎借人。

黃兆枚

癸酉秋七月朔。爲吾師王葵園先生九十有二生日。距先生之沒。十五年矣。去年是日。公祭先生韭菜園孤兒院中。至者五十餘人。分韻賦詩。枚得內字。願成詩者僅及半。未刊布也。今曹君孟其。李君肖朋等。本其景仰之心。踵湘綺卮園生日故事。揭先生學行。謀爲特刊。騰諸報章。石菴世兄。以枚寫列門下。宜亦有言。竊念先生。與湘綺卮園。皆湖湘魁宿。着

(南)

道光二十八年戊申七歲。

道光二十九年己酉八歲。

道光三十年庚戌九歲。

咸豐元年辛亥十歲。

文始完籍。

咸豐二年壬子十一歲。

從縣學生閔浩齋先生振瀛學。

咸豐三年癸丑十二歲。

從仲兄敬吾學。

咸豐四年甲寅十三歲。

始應童試。

咸豐五年乙卯十四歲。

從縣學生林子節先生樹榮學。

咸豐六年丙辰十五歲。

從善化兵部主事黃翰仙錫靈學。

咸豐七年丁巳十六歲。

是年入縣學。學使爲浙江張蔭修金鏞。字海門。秋試薦未售。

咸豐八年戊午十七歲。

在家授弟禮吾讀。十月。張夫人來歸。

咸豐九年己未十八歲。

歲試一等第五名。補廩膳生。學使爲江夏胡侍郎瑞瀾。字筱泉。

咸豐十年庚申十九歲。

科試一等第八名。

咸豐十一年辛酉二十歲。

六月十八日父卒。奉母無資。赴武昌父執胡心泉與兄友李禹臣謀薦入長江水師導營。營官王吉。所司書記。駐軍安慶。

同治元年壬戌二十一歲。

二月。辭歸。十月。張夫人卒。

同治二年癸亥二十二歲。

二月督辦陝南軍務李布政桓延入幕。李以病免。旋入湖北提督梁公洪勝幕。

同治三年甲子二十三歲。

自軍假歸。中試第四十名舉人。座主爲常熟龐文恪鍾璠。字寶生。壽陽那文恪世長。字子餘。房師爲知與審縣學城萬時若處谷。十月。周夫人來歸。

同治四年乙丑二十四歲。

二

述甚富。書滿人間。且已列傳國史。無價表章。光氣自在。其爲是刊也。亦萃弟子後進附驥之思也。謹錄是詩綴於刊末。

淫言奮擊吻。大道曰虧廢。荒荒聖塗塞。二曜蝕而晦。風雅危一髮。黜陟既相背。俯仰百年間。一溯同光代。大師起湘游。鶴士此權概。稊辭秀神骨。宿理鉢肝肺。汲古一經修。嚼義萬書碎。蓬瀛昔飛步。邱壑晚留愛。手中瑯網移。謝爵斷然退。鄰邦主壇席。餐舍仰諄誨。要指談六家。無復惑師誨。數處出土鐵。入冶經鍛粹。曉暎生曙光。行道出沈昧。文相柳州似。(先生謂枚文可師柳州。)詩許涪叟配。(先生許枚詩能追山谷。)欲扶窮賤身。一躍跨曹輩。(初先生主講城南。首課即批枚卷端開生家極寒而極肯用功云。)運夷儒風雜。道隱士心憤。虎龍吟嘯聲。不敵野廬吠。溲澆小溲澆。壘堙凌泰岱。遙遙黃虞情。瞑目日西隱。康成識語合。起起孔言再。荏苒十載餘。回望極嘒嘒。今

會試中式第二百名。座主爲黃縣賈文端楨。字筠堂。諱端恪廷襄竹崖。

吉林賈文靖整佩衡。宛平桑文端春榮伯儔。房師爲胡瑞瀾復泉。覆試二等第二十五名。殿試二甲第九十二名。朝考一等第四名。引見點翰林院庶吉士，大教習爲商城周文勤祖培芝藻，全文端慶。小教習爲徐相國桐。八月。乞假南歸。

同治五年丙寅二十五歲。十月。周夫人以產難卒。十一月。往江西。

同治六年丁卯二十六歲。正月。由江西浙江甯歸里。九月北上。

同治七年戊辰二十七歲。四月。散館。授職編修。

同治八年己巳二十八歲。赴京。充國史館協修。

同治九年庚午二十九歲。是歲。簡雲南鄉試副考官。

同治十年辛未三十歲。

六月。續聚李夫人。迎太夫人至德州。

同治十一年壬申三十一歲。二月。奉太夫人抵京。六月。補國史館纂修。是歲七月。刊漢魏歌辭文鏡正成。

同治十二年癸酉三十二歲。十一月。補功臣館纂修。

同治十三年甲戌三十三歲。三月。充會試同考官。得士陳光煦等十九人。

光緒元年乙亥三十四歲。正月。子榮廬生。四月大考。二等第五名。擢補右中允。五月充實錄館協修。六月簡江西鄉試正考官。得士涂官俊等一百三十九人。

光緒二年丙子三十五歲。一月。補國史館總纂。三月。任文淵閣校理。六月。簡浙江鄉試副考官。十二月。補寶錄館纂修兼充總校。

光緒三年丁丑三十六歲。

逢九旬日。設祭薦魚菜。稽首遙挂節。恍惚聞聲歎。得亡公已老。寒歲一松耐。涼塘槐樹列。操藪剪蕪穢。當時湘綺翁。出伏兩儘對。菘齋勤著書。一出觀生內。承流灑塗路。有覺誰所資。心香弟子私。雨化思想溉。

孫文昱

七月已望秋。赤燿怒猶熾。駕言適東郊。警宗云有事。猗歟葵園師。便便五經笥。書宗古文訓。詩證三家異。南菁真巨編。學海前徽嗣。班范肆旁羅。顏李猶愕眙。珥筆載東華。九朝昭聖治。觀海歎汪洋。孰得窮涯浚。憶昔歲庚寅。精廬初塾侍。光緒庚寅。師主講思賢講舍。額置弟子人員二十四人。予乃得與焉。一經史日有程。學林正文字。工賦勉成名。空負相期意。(師嘗謂予律賦不妨兼作。不患不工。他日成名。尤爲急務。)同堂廿四人。晨夕觀摩頤。二郭曹蕭羅。矯矯各樹幟。(時湖陰郭復初立山工古文。長沙郭直夫志正工經解曹健安篤光工小篆。蕭綬之延社工駢文)

葵園年刊 第一集

正月。轉左中允。  
光緒四年戊寅三十七歲。

十二月。升補司經局洗馬。  
光緒五年己卯三十八歲。

五月升補翰林院侍講。旋充日起講  
居注官。六月奏首路宜防流弊。請  
旨飭諭以肅政體。十九日。奏劾雲  
南巡撫徐之銘誤國殃民。七月。轉  
補侍讀。十二月。升補右春坊右庶  
子。奏劾出使俄國大臣崇厚逆旨辱  
命。代湖北提督鄂松林擬通飭各省  
選將練兵統。八月。刻乾隆朝軍華  
懋錄百二十卷成。

光緒六年庚辰三十九歲。  
三月。充會試同考官。得士于式枚  
等二十三人。十四日。轉補左春坊  
左庶子。四月。升國子監祭酒。奏  
請遣重臣督辦東三省防務及會議防  
俄。十月。奏整頓招商局並設立公  
司運貨出洋。

光緒七年辛巳四十歲。  
光緒八年壬午四十一歲。

三月十六日。丁母鮑太夫人憂。扶  
柩回籍。是歲二月。刻撰集續古文  
辭類纂成。

光緒九年癸未四十二歲。

十月。葬母於善化仙人市栗樹壙。  
是歲四月。校刊魏鄭公諫錄校注鄭  
公諫續錄文貞故事拾遺文貞年譜魏  
徵列傳成。輯新舊唐書合注。

光緒十年甲申四十三歲。

五月。成天命天聰順治康熙雍正東  
華錄。合前刻嘉慶道光咸豐同治共  
四百一十九卷。又刊天祿琳琅前後  
編三十卷。為亡友李禹臣刻其遺著  
壽梅山房詩。丁笠雲琴經刊其遺著  
室詩存。校刻吳氏郡齋讀書記。趙  
氏附志。刻巴陵毛貴銘詩抄。九月  
。服闋入都。

光緒十一年乙酉四十四歲。

六月。補授國子監祭酒。二十三日  
奏請停罷三海工程疏。請舉人及職  
官得入監讀書。八月。簡放江蘇學  
政。十月抵江陰。頒發勸學瑣言。

四

瀏陽羅偉雲宗龍工古賦。(爾來四十年  
宿坤增感思。華年惜逝川。白首憐何  
似。(嘗傑作書劉峻辨命論後有望爭叢  
於鶴鴻誰悲失路視逝川於日夜自借華年  
雲浮礎潤霜落鐘鳴徒虛語耳數語頗為師  
所激賞評云體潔韻長讀之使人神棲也。  
)猶欣共粟雷。嬰鏢長沙市。(粟谷青  
揆。雷劬青銳皆年七十餘矣。谷青旋以  
就館他所故未入舍肄業。)蓬島幾揚塵  
。師沒一紀駛。大道日已淪。末學羣咻  
嚙。經訓有舊帙。荒蕪穰種詩。元精耿  
在天。來者寧光燄。維嶽經降神。九十  
生朝值。非園除壽宮。遺像肅瞻聽。老  
彭惠然來。風誼師友膺。(彭少湘講學  
。時年八十有三。乃力疾冒暑來會。)江  
夏昔无雙。入室你多識。登降尸獻侑  
。嘉狄荐錫爵。(黃君宇達東都主祭)  
四王(游芝樹森瞻壽年樹森乃孝廉近  
課延祺世兄讀)暨二曹。(軒毅孟其)  
顏(息齋)劉(寅先)李(肯庶)席  
(魯思)傅。毛(覺民)蔡(漁春)復陳  
(右鈞)黃。(性一)濟濟咸敬康。親



開設南菁書局。彙刻先哲遺書。

光緒十二年丙戌四十五歲。

六月。奏請刻皇清經解。

光緒十三年丁亥四十六歲。

按試徐海常州鎮蘇太松各屬。

光緒十四年戊子四十七歲。

春按試揚州通州。三月。奏劾太監李蓮英。六月。科試江寧。是月。積刻經解成。凡千四百卷。八月。請假回籍。十一月抵長沙。是歲刻周自萇先生思益堂彙成。又刊南菁書院叢書成。

光緒十五年己丑四十八歲。

奏請開缺。報可。六月。築宅荷花池。署曰葵園。七月。輯刻新化歐陽鞞東詩鈔。

光緒十六年庚寅四十九歲。

主講思賢講舍。集彙藏於鹽務公所。歲餘六白金刻書。是為思賢局之始。是歲輯刻孫鼎臣周壽昌李治王闓運張祖同杜贊樞六家詞鈔六卷。又選刊同邑毛國翰青垣詩鈔。

光緒十七年辛卯五十歲。

主講思賢講舍。二月。移主城南書院。五月。刻荀子集解成。又三月。校刻世說新語成。十一月。校刊鹽鐵論成。

光緒十八年壬辰五十一歲。

主講城南書院。八月校刊郭侍郎高齋叢知書屋集。七月。刊合校本經注四十卷成。

光緒十九年癸巳五十二歲。

主講城南書院。五月。輯刻巴陵吳敏樹梓湖文集成。

光緒二十年甲午五十三歲。

主講嶽麓書院。

光緒二十一年乙未五十四歲。

主講嶽麓。

光緒二十二年丙申五十五歲。

主講嶽麓。五月。刻葵園校士錄成。

光緒二十三年丁酉五十六歲。

主講嶽麓。

光緒二十四年戊戌五十七歲。

主講嶽麓。梁啓超來主時務學堂。

或或私淑。或契同方志。公子敬愛客。達人字私意。(石菴延祺兩世兄相偕拜賓客。一幸幸禮既畢。飲饒恣飲。酒欣次復芬。既醉分韻記。哲人雖云遠。典型猶可式。經正庶民興。孟言僅一試。相期障百川。竹健憤儲待。

顏昌曉

哲人效云萎。一紀歷星纒。夢寐時復親。撰杖釋蒙然。良辰慶生申。安靈薦芳鮮。相將同門侶。始及秋陽天。儼然見平生。遺像瞻在前。裸將儀既戒。狙賚禮不愆。主人備燕私。高館張華筵。共欽明德後。方欣繼述賢。稱觥介繁祉。述德歎高堅。自從喪亂來。不復親儒先。詩書棄灰燼。庠序無管絃。途窮則返本。飲水思源泉。經師繫人師。薪盡火焉傳。藐予末小子。及門謝涓霤。提携而訓誨。樽櫛自生全。報恩慚無地。肅將今始虔。民生事三三。此念期年年。何以摭我懷。詠言寄斯篇。

曹孟其

祭酒江南策蹇歸。好官年少亦心灰。臣

致書陳巡撫寶箴。請屏斥以端學術

光緒二十五年己亥五十八歲。

主講嶽麓。

光緒二十六年庚子五十九歲

主講嶽麓。繼從弟先泰子與祖為副

。二月。刻漢書補注百卷成。閏八

月。刻虛受堂文集成。十二月。輯

律賦類纂成。

光緒二十七年辛丑六十歲。

主講嶽麓。刻駢文類纂成。又重刊

景教碑文紀事考正成。

光緒二十八年壬寅六十一歲。

主講嶽麓。刻日本源流考二十二卷

成。刻虛受堂詩集成。

光緒二十九年癸卯六十二歲。

主講嶽麓。巡撫俞廉三奏聘為師範

館長。建一門四節坊於南城外官道

旁。

光緒三十年甲辰六十三歲。

是歲。刻尚書孔傳參正成。

光緒三十一年乙巳六十四歲。

修三世祠堂於城北稻穀倉。春秋祭

祀。歲以為常。巡撫忠愍公端方。

光緒三十二年丙午六十五歲。

移寓東鄉涼塘。六月入城。總督張

文襄之洞奏充粵漢鐵路名譽總理。

門人梁文忠鼎芬奏請起用。

光緒三十三年丁未六十六歲。

是年。頭眩足跌。閉關謝客。張之

洞岑春萱奏充湖南學務公所議長。

六月。張之洞請為存古學堂名譽總

教習。

光緒三十四年戊申六十七歲。

禮部奏充禮學館顧問官。五月岑春

萱奏進所著尚書孔傳參正。漢書補

注。荀子集解。日本源流考四書。

詔加內閣學士銜。岑春萱請為諮議

局籌辦處會辦。

宣統元年己酉六十八歲。

八月刻莊子集解成。

宣統二年庚戌六十九歲。

正月。復繼從弟先博子祖陶為子。

所能言惟肺腑。自知無狀到宮幃。儀徵

未有三千卷。周末猶存一大師。如我負

公公記否。尚書又誤十年期。

余嘗為古今文尚書。已屬草成冊。

函告先生。謂先生八十生日。當以書

為壽。先生臨終前數日。猶以所著尚

書孔傳參正給我。來書詞意殷懇。蓋

絕筆也。亡婦宜專。感於泳洪籽穀之

言。以畏張敬堯。故將余戊午以前所

著書燒毀。自是余遂不復再作。

王嘯蘇

去歲星虛薦湘綺。今來東郭拜長沙。再

經十載數盈百。未信千秋壽有涯。蒙楚

宗師傳雅誦。闕陵祭酒重儒家。離離禾

黍人運算。殘夢空蒙上苑花。

翦韭廷賓禮意加。翩翩公子自清嘉。同

宗幸有大儒出。助祭彌增晚學嗟。開向

蓬山徵故實。(謂少湘學士。)舊從芸

舍搨精華。(座客多出先生門下。)年來

木壞兼桃謝。(先生歸道山後。)及門

如陳毅語仲黃逢元少雲雲山麓生成成先後

物故。(願鳥飛飛日易斜。

三月五日。僑民團撫署聘筵開筵。

民國三年甲寅七十三歲。

。黃自元等電京請旨易撫。假公名

三月十六日。子觀思生。四月返省

領銜。總督瑞澂深劾。降五級調用

。移居涼塘。

。疏辯不報。九月。刻五州地理志

民國四年乙卯七十四歲。

略成。

寓涼塘。刻後漢書集解成。又為元

宣統三年辛亥七十歲。

史拾補十卷成。

七月生日。友人多以文詩為壽。八

民國五年丙辰七十五歲。

月。武昌軍起。避難平江。寓蘇郡

寓涼塘。為外國通鑑三十三卷成。

中與家。十月。刻先德所著詩義標

民國六年丁巳七十六歲。

達成。

寓涼塘。為新舊唐書合注成。八月

民國元年壬子七十一歲。

廿八日。孫代蕃生。十一月廿六日

民國二年癸丑七十二歲。

已時考終。十二月十九日。安葬涼

移寓平江縣城。旋寓黃甲山。刻詩

塘舊莊附宅之原。

三家義稿疏成。

## 遺箸之屬

### 新舊唐書合注序

王先謙撰

自序云。自歐宋新唐書出。而謂舊書不可廢者。紛然於世。二書並行。歸安沈氏。

英 國 年 刊 第一集

胡庶華

百城生穉已霜顛。赫赫威儀畫裏傳。最老師稱前祭酒。有遺書讀舊鄉賢。萬源學海窮涯涘。一傳儒林付史編。著作等身千古事。至今流瀝滿湘川。

劉 鍵

名山著述費磋商。鑿解牽經漢宋和。文起衰危功德在。先逢變亂感傷多。夫之晚節殊堪繼。正則孤懷不是過。回憶門牆親父執。各為私哭泣潸沱。

卜世藩

短齋辭荔老。門館猶森沈。森鼎古香發。園池秋氣深。世途風虎尾。公子雕龍心。良會倘天意。艱難來盍簪。

卜世藩

拜經日庚子。禮意嚴師儒。老屋一煙綬。遺香三篋儲。文章光屈屈。冠帶肅魚魚。我未坐廊廡。千秋私淑諸。

李澄宇

早退非關暮隱淪。名儒著述自千春。身雖外處心王室。目不旁覲志古人。正則椒蘭應入畫。夫人銘擬儻為鄰。林園似

遂有合鈔之作。論者多美其勤力。而病其雜採。此予合注所以不可已也。宋景文氏為傳。好以古語易新詞。而未悟文之古。不專在此。它作蓋多類是。東坡詩云。淵源皆有考。奇險或難尋。其意有不足也。歐公志表。皆極意之作。其於帝紀。多所增刪。學人嘗議。刪則斥為仿班。增則又謂有心立異。文之為道。諸衆實難。未可家喻而戶曉矣。予於二書。反復研求。頗有考訂。旁羅舊注。廣諏同志。條分新舊。合為一書。有無前後。一覽可悉。本文具存。略不更易。後之究心唐史者。論文不至失輕重之平。考事亦倍有參稽之益。其不為劬古之一助與。歲在丁巳秋九月序於涼塘莊寓

### 元史拾補十卷序

王先謙撰

自序云。元史疏漏舛舛。海內學者所共知而同病也。其足資參證者。惟元朝秘史。聖武親征錄。元史譯文證補三書。親征錄有光澤何秋濬願船校本。秘史有順德李文田仲約注本。皆冥心孤索。使舊編神明煥然。大有助於考訂譯文。證補則吳縣洪鈞文卿。於光緒中出使西國。得波斯拉施特所修之蒙古史。西域志。費尼及瓦薩甫與阿黎之書。歐羅巴多桑之書。俄羅斯貝勒津之書。治為一鑰。大補闕佚。譯文精審。而西北地附錄釋地。及西域古地考。裨用尤宏。余究心元史。輒以此三書相次。輯為元史拾補十卷。中如太祖初基。十三翼之職諸書。誤敘在前。宜從秘史列後。非通校不明。秦亦亦兀。困辱太祖。不僅一次。今所載止此。知有奪文。塞外三宗。足為元史本紀補異。尤亦後王列傳。則太祖親支蒙古藩部。尤當致詳。貨勒自彌。繫達木刺夷康里等傳。既徵開國武功。遠極無外。而同部究竟。亦藉以考見岸略。文卿早歿。其未定稿諸卷。如察台台後。王旭烈兀不賽因帖木耳等傳。不可得見。深為惋惜。余聞陸鳳石師傳。以其叢殘。諄託陳詒重參議廣積經集。去歲詢之。信

此都難到。豈獨遺書世共珍。

同前

嶽嶽殿清季。經師虛受堂。尋言縉子史。餘力正辭章。遂早中年隱。憂深直道彰。典型垂萬古。寧止繫興亡。

### 葵園先生卽世輓詩選錄

葉德輝

六年離亂別緇林。聲息時聞出谷音。忽訝文星隨月晦。不留時雨到春深。黨人碑在蚺蟬散。野史亭空鷓鴣吟。未肯自傷先痛逝。九州著作失同心。

天下人文祭酒尊。卅年德望負龍門。名山有約歸田早。樂部相隨接席溫。生謚經神宗北海。清時雅集附西園。於今壇坫風流盡。華屋生存未忍論。三吳經學入湖湘。求闕齋先思益堂。畢竟再傳成惜抱。未能一姓守西莊。江河日下龍歸海。城社宵深衆跳梁。往事同舟風浪急。障川無力看瀾狂。萬古傷心心史知。王風報蕩黍離離。吾謀不用忠言逆。世變相乘死恨遲。黑白

然參議篤學深思。將使此完書光於天壤。吾輩更得讀所未見。其爲欣快當何如耶。  
乙卯冬月序于京塘莊寓

### 外國通鑑三十三卷

王先謙撰

自序云。自來以中山志外域之全者。惟山海經。顧其書多載怪奇。又爲後人增益例亂。上古之世。無大國水船。山楫中見開荒忽。余疑經之所謂國者。常亦約略其區。未能包舉其地。此固載筆者。所無可如何也。自五洲大通。天地之形。豁然呈露。輪車商舶。躡月而達乎四方。丹穴空桐。太平大夢之人。遊敖而聚於一家。山猶是山也。海猶是海也。而國之爲國。更僕難數。試執經以證其源流。上古可考者。魯鉅燕閩閩南北。倭朝鮮緬外大荒海外。乃更無可尋求。其有見於中古者。焉有起於近古者焉。荒僻之島不遺。細微淳與之邦。備詳始末。常此圖書大集之時。不爲之存其厓略。亦考古者。缺憾事矣。於是輯而錄之。成三十三卷。予觀古今中外載籍。而知宇內四極人民之流涉無常。若客民勢盛。則土著退處。或遂衰絕。所在多有。此所以上古無人事之可紀。而後世亦並無怪奇之足徵也。(開荒事詳英志)予不敢仰希古之作。意庶幾彷彿之。後之視今。或有異於今之視昔也夫。丙辰嘉平月

### 新修晉書序

書有改作而不爲後人稱美者。宋人之於唐書是也。史言唐房玄齡承詔修晉書。奏取許敬宗令狐德棻等分功撰錄。以藏榮緒。晉書爲主。參考諸家。甚爲詳洽。藏書及今。不可得見。然史稱唐修者。好採詭譎碎事。廣異聞又評論競爲綺靡。爲當時學者所譏。蓋無待後人論定矣。抑不但此也。王祥王導晉代弁冕。而濬盡西東。似

英園年刊 第一集

易潛妖亂志。丹黃親薦匹夫師。斯文絕續千鈞繫。一老天胡不赦遣。

歐生家學絕師門。私室無因說受恩。祗奉福山親授受。(謂乙酉鹿主福山謝公雋杭。)始從學海證淵源。(吾生平不重師門。惟濬縣曹公鴻勳。及謝公清風亮節不愧。師謝公鄉試出江陰繆公荃孫房。會試出公房。二公靈懷樂善。以流通古籍。主持正學。與吾同志。故終身事歐公惟謹。)忘年久敬交逾善。知己平生口不言。衣鉢未能傳正法。負公期許愧招魂。

疏經注史送殘年。得子雖遲定象賢。公有詩文流四裔。我無碑版慰重泉。(夙與公笑談。以身後碑誌相互託。今恐不能踐言矣。)鄉評謬許居王後。夜夢相從在孔前。學自畢同心悅服。詎須枕藉託師傳。

明時將相出河汾。垂老嗟逢國事紛。桃李公門春意盡。(公門生滿天下。內而卿相。外而督撫。時丁末造。均作股頰。比之河汾。何不幸也。)桑榆晚景客

不相關涉。嵇康歿魏世。而晉書立傳與阮籍為徒。八王事實懸異。必當區分。混為一卷。有乖史體。陶士行明譏勇退。無可瑕疵。而天門折翼之謠。猶存本縛。劉琨脚買隘二十四友。總其生平。要非為巨失。而過加貶抑。昧隱惡揚善之義。其舉舉大者如此。余治此書有年。於文義待商者悉心為之條理。手鈔成帙。命曰新修晉書未敢以示人也。考德業傳云。德業本先進。故類例皆所釐定。免官後。又由房相奏起。玄齡傳所斥又歎之士。其德業與。

案此序乃先君臨終前二日作。尚未完稿。書亦無存。昔曾文正之沒也。其作劉松山墓志。亦未成篇。故後人取以付於求闕齋文集之末。祖陶為不忍先君遺稿之泯滅。敢效曾集之前例。不加增損。刊此留傳。另祖陶謹識。

### 傳誌之屬

#### 清史儒林列傳

清史

王先謙，字益吾，長沙人，同治四年進士，選庶吉士，授編修，光緒元年，大考二等，擢中允。充日講起居注官，歷上疏言路宜防弊，請籌東三省防務。並勅纂南巡撫徐之銘，六年晉國子監祭酒，八年丁憂歸，服闋，仍故官。疏請三海停工，出為江蘇學政，十四年，以太監李蓮英招遙，疏請懲戒。略言官寺之患，自古為昭；本朝法制森嚴，從無太監攬權害事，皇太后垂簾聽政，一稟前議，毫不寬假，此天下臣民所共知其見者，乃有總管太監李蓮英，秉性奸回，肆無忌憚，其平日

愁分（國變後。公居平江。為其戚某某所危。久之始還長沙鄉居。）後堂絲竹

東山夢。華蓋文章北斗雲。小草願隨華向日。（公歸田。闢葵園于會城。識不忘君也。）嗜飲無茶已斜曛。

天留遺老主齊明。文字先朝勳聖明。生計牢盆儒服賈。命宮磨蝎謗爭名。眼看白馬清流盡。夢想紅羊浩劫平。遠道寄書會幾日。開函重讀淚縱橫。

胡思敬

傾盡葵心日已沉。長門猶覺主恩深。著書忍託窮愁見。銜石皆知老病侵。舊日巢痕悲北盛。先朝黨籍恨東林。同光老輩凋零盡。殘潘何人續谷音。

金鏡蓉

山頽傳說祝融峯。一柱天南失所宗。書付九經元度樣。學名三代馬生工。壁門肄禮知官美。玉尺論文見節崇。誰是章逢謹謚者。異時為上太常封。

揭然勇退急流中。誰似吾公道力充。座右太師推祭酒。騎東良隱說家風。留連襦頌分餘藻。絕倒蘭臺為發蒙。鏡訓兩

穢穿劣迹，不敢形諸奏牘。惟是太監等給使宮禁，得以日近天顏，或因奔走微長，偶邀宸顧，度亦事理所有，何獨該太監誇張恩遇，大肆招搖，致太監寵小季之名，傾動中外，驚駭物聽，此即其不安本分之明證，易曰：履霜堅冰，漸也，皇太后皇上，于制治保邦之道，靡不勤求夙夜，遇事防維，今宵小橫行，已有端兆，若不嚴加懲辦，無以振綱紀而肅羣情，疏上不報，先謹歷典雲南江西浙江鄉試，搜羅人才，不遺餘力，既蒞江蘇，先奏設書局，仿阮元皇清經解例，刊刻續經解一千四百三十卷，南菁書院，創於黃體芳，先證廣籌經費，每邑拔取才士入院，而督教之，誘掖獎勵，成就人才甚多，開缺還家，屢主思賢講舍。嶽麓城南兩書院。其培植人才。與前無異。三十三年。總督陳夔龍巡撫岑春煊。奏以所著書進呈。賞內閣學士銜。宣統二年。長沙國民團撫署。衛兵開槍。擊斃數人。民情忿憤。匪徒乘之。放火燒署。省城紳士。電請易巡撫。以先謙名首列。先謙不知也。總督瑞澂奏參部議降五級。同鄉京官胡祖蔭等。以冤抑呈遞都察院。亦不報。國變後。改名遜。遷居鄉間。越六年卒。著有尚書孔傳參正三十六卷。三家集詩議疏二十八卷。前漢書補註一百卷。後漢書集解一百二十卷。荀子集解二十卷。日本源流考二十二卷。外國通鑑三十三卷。虛受堂詩文集三十六卷等。

### 王葵園先生家傳

彭清裴

葵園先生即世二十年。哲祖祖陶君以王氏四修宗牒故。晉清裴為先生家傳。予維先生傳季巨儒。門庭廣大。著述四千百卷。卓皇聖業。繼往開來。將歷萬古而不能磨滅。至其行事。詳先生自定年譜。及清史本傳。錢塘吳處抵所為墓志銘。門人黃兆枚所為墓碑。其何待清裴贅言。雖然。家傳所以示後昆也。謹撮其學學大者述之。先生諱先謙。字益吾。葵園其晚號也。其先世居江南上元明正德間。有進士諱

葵園年刊 第一集

府猶未了。讀成喜見於清童。

嗚呼何曾得到天。推排不動始為賢。船山別示逃名窟。玉海徭傳閉戶年。放手沉吟淚滿箋。(師曾被論於某督。亂後轉徙平江。又有楚弓之失。)我行卻曲倦猶驚。未契從來託後生。完璧餘軍無一恨。棄官人老最多情。(辛亥九月亂中。師從平江寄詩。有云棄官如棄泥。我見一人耳之句。前年詩來。猶以昭雪為言。不啻放翁告家祭逝之語。篋中詩句皆遺考。稷下拚舊名奴憶。今日清思他日語。微塵劫後有公平。(師為湘中哲學新界所疾。今兵火子遺。應思至言。歲次敦祥筭雍四月二十七日。

黃兆枚

兩王俱不沒。(一謂湘綺)標致竟何分。滑稽信微中。儒林多古芬。宏綱今砥泯。潛迹晚紛紛。茅屋築雙鷺。追風道欲聞。已防若修德。休官為著書。文章千載事。憂患六經餘。遂以干戈老。蕭然木石居。未能親易簣。深愧陟庭疏。

一一

儒者。官岳州通判徒長沙。遂為縣人。十三傳至先生。幼貧甚。二十而孤。力學不倦。為生計。出為長江水師營導營書記。取薪奉母。及成進士。選庶吉士。授編修。充日講起居注官。補國子祭酒。典試江西。浙江。雲南。簡放江蘇學政。歷上疏言官路宜防弊。請籌東山省防務。勅雲南巡撫徐之銘。又如請停罷三海工。勅太監李蓮英。肯正色直言。天下稱頌。生平撰述。四部備錄。孟荷一塗。漢宋其轍。所以嘉惠士林者甚偉。然嘗稱鹿門為經師。推邵園為博學。至老尤勤。歷主講思賢嶽麓城南諸書院。教士務須文行合一。孝友為先。故其門徒。學皆篤實。雅絕虛浮。先生自奉儉樸。篤宗馮諶。晚節克全。振鐸百世。鄂督陳夔龍。湘撫岑春煊。特以先生著述進呈。奉旨嘉獎。賞內閣學士銜。國變後。避居平江。晚隱涼塘。杜門謝客。以著述自娛。丁巳冬月二十六日卒。春秋七十有六。葬涼塘左壠。配張夫人。繼配周夫人。李夫人。副室宋氏毛氏。子三。典祖。祖陶。祖恩。孫四。代蕃。代棟。代探。代琛。孫女四。代芬。代芬。代瓊。代玲。

讚曰先生平生以為善性命。著述宏富。門庭廣大。予壯歲每過先生家。必留校書數葉。談論不少休。受益於先生者多。今先生又即世二十年。尚欣明德有後。三子皆能繼承先緒。典守禮書。不染奢靡之風。予是以知君子之澤長矣。

### 王葵園先生墓誌銘

門下士錢塘吳慶坻敬撰

長沙王先生之喪。赴至杭州。慶坻為位而哭。而善化相國鼎公書來。督為墓銘。先是辛亥春。慶坻別先生長沙。先生授以自訂年譜。曰。他日銘吾墓者。子也。其後得先生書。申言之。孤子與祖等。又奉遺命來譜。會疾作。屬草未定。而相國薨。且改歲矣。追念諾責。負疚夙夜。乃忍痛為序而銘焉。先生諱先謙。字益吾。學者稱葵園先生。葵園者。先生歸里所築居也。王子後。自署曰遜。不書名。先世

### 記與左東父語葵園遺事

星廬

長沙王益吾先生。家居三十餘年。掌教嶽麓書院二十餘年。為時大師。督撫學政。多其後輩。先生時亦與聞湘政。丁戊之間。既與新黨齟齬。與學以來。以存古學堂事。與新學者逆忤。故後生多贊之。然先生自宣統二年。為瑞澂誣劾後。知清政已非。閉門謝客。日事著書。非學者不見。國變後。理止庵余倦知諸老。皆逃海上。先生伏處平江。寄居門人蘇阜康家。其佃客至擅賣其租穀數百石。先生遣經紀訴於地方法院。諸法官皆年少。羣謂王權抑新黨。今失勢。吾等當袒佃客。令王敗訴以快吾私。書記官長沙左東父乃毅然曰。法庭判事。當盡曲直。不計恩仇。王某老輩。且吾年丈也。諸君不可屈法以徇意氣。羣官意沮。王乃得伸。始先生以東父為年家子。持刺往見。及東父往候。從容間讀書作文法。先生嘆曰。士人生斯世即



居江南上元。明正德間。進士諱審。官湖南岳州府通判。徙長沙。遂爲縣人。曾祖諱聲揚。祖諱遠松。俱縣學生。考諱錫光。以先生官覃思兩代累贈通奉大夫。祖妣氏會。妣氏純。累贈夫人。先生二十而孤。貧甚。出爲長江水師營尋常書記。受傭以奉母。尋謝歸。以履歷生舉同治甲子鄉試。乙丑成進士。改翰林院庶吉士。散館。授編修。景福初元。大考二等。擢右中允。累遷左中允。司經局洗馬。翰林院侍講。右春坊右庶子。左春坊左庶子。國子監祭酒。丁母憂。服除。補原官。其兼職則國史館協修。纂修。總纂。功臣館纂修。實錄館協修。纂修總校。奏派纂修。穆宗教皇帝聖訓。文淵閣校理。本衙門撰文。日講起居注官。其奉使。則同治庚午雲南副考官。光緒乙亥江西正考官。丙子浙江副考官。乙酉簡江蘇學政。任滿假歸。修墓。旋引疾不復出。先生立朝。用名節自厲。光緒初。詔求直言。廷臣爭務建白。喜抨擊。或涉朋比。先生憂之。上言路宜防流弊疏。同列糾劾。斥爲莠言。聖明察其無他。寔弗問。先生益感奮。論已革滇撫徐之銘情罪重大。請嚴旨查辦。論招商局關繫重要。請飭整頓伊犁之約。疏凡四上。一曰俄人巨測。條舉籌備四事。一曰寬減崇厚罪名。宜俟條約更定。一曰東三省宜備重臣督防。一曰會議防俄未盡事宜。凡所規畫。多切中利害。在國學日。請准舉人職官。入監肄業。請頒列聖御製詩文集。列聖聖訓。欽定方略。俾士得服習國故。祈致用。而請罷三海工。請嚴戒太監李蓮英兩疏。尤切直。風采傾天下。願性澹榮利。既歸田。壹以正學爲後進導。主思賢講舍城南嶽麓兩書院。教士務文行合一。戊戌湘學會起。訛辭朋與。先生持正論。力拒之。由是忌者橫目仇視。圍傾陷。而先生卒強立。遇地方大利病。必伸隱議。爲疆吏匡救。若庚子借款。創計口收捐之策。粵漢鐵路爭廢約。毋貸外貸。英人貝勒納賄。設賈埠省城。請飭避。與當事往復論難。卒如先生議。朝廷更學制。行憲政。大吏疏薦爲學務議長。籌備諮議局會辦。固辭不獲。則卻履給。

葵園年刊 第一集

善爲文。有何用乎。然先生於轉徙亂離中。仍手纂後漢書集解。日不輟業。先爲自序。道其遭際。若有無窮之悲。事稍定。先生返長沙葵園。羣少年復謗言王某謀致鄂人漳督湘軍。力排譚延闓。門人以告。先生遂啓事報紙。謂新邦肇造。先謙自慚衰朽。不能效力。然於茶陵雅故。而鄂某素不相知。盡語之來。未審其意。延闓故與先生無宿嫌。使人道意。而軍官某猶欲駐兵其宅以困辱之。時姜濟寰知長沙縣事。語其友曹孟其曰。葵園晚節。無可贊毀。吾等當力解之。事乃得疑。孟其因以所著逸詞及他文。呈似先生。先生爲詳注。稱其秀筆。以城居人事雜。乃卜居於東鄉東山涼塘山莊。城中客來。皆謝不見。日坐涼屋。握管著書。塾師劇秀才隳泉。吾鄉人也。爲余言。館其家一年。僅始學及放課時。先生置酒出陪。餘日。則居書室。罕見其面。惟湘鄉王龍文來會集三日而去。濟寰議請先生主修縣志。先屬孟其道意。及濟寰園請見。終謝病不出。

移以設簡易小學。暨澤善求仁兩堂。爲善義事。禮部奏派禮學館顧問官。鄂督南皮張公聘爲存古學堂總教。並辭不就。巡撫岑公。奏進先生所著書四種。詔旨褒美。加內閣學士銜。稽古之榮。以方乾隆朝顧氏棟高。梁氏錫瑛殆有過之。湘中蔑儀。先生數育於岑公。請過米運。實倉穀。用備非常。不之省。庚戌三月。長沙民以米貴闕於市。亂民乘之起。嚴巡警道。火巡警署。市廛盡閉。巡撫不能制。揖布政使。授之印。俾出文告。事稍稍定。而諸紳率以電達政府。及鄂督。請易巡撫。用先生名居首。先生未與知也。總督瑞澂。弗察。遞疏劾諸紳。其搆罪先生語尤誣妄。吏議請五級。湘人官京師者。大駭。願訴部察院。請上奏昭雪。不報。自甲午乙未以來。東藩失。海軍燬。朝野志士。捫臂揄腕。太息於國之無良。成法之利敵。變法自強。意非不善也。而持論詭激者。輒蔑棄我先聖先王之政教。謂一無足用。學說一誤。其害深中於人心。二十年間。新舊水火。代賦代興。胡媚沸羹。以有今日。先生獲者斷斷苦口。殆孟氏所謂不得已。忌者乃乘間抵隙。務擠之而後快。雖天下咸認其冤。而正氣剝喪垂盡。君子怆然憂禍至之無日矣。明年秋。武昌變起。長沙亂。先生僻地平江煙丹再徙臨城。三徙黃甲山。凡三年乃還長沙涼塘舊莊。憂危播遷。終日著書不輟。先生於學無所不究。門庭廣大。合漢宋滄轅而一之。其於崇經術。治國聞。致力彌篤。在中館。成東華錄二百卷。東華續錄四百十九卷。十朝謨烈。燦然大備。視學江蘇。成皇清經解續編一千四百三十卷。上紹阮文達盛軌。用嘉惠來學。復以餘力輯南菁書院叢書一百四十四卷。其著述則有尙書孔傳參正三十六卷。三家詩議集疏二十八卷。漢書補注一百卷。後漢書集解一百二十卷。新舊唐書合注二百二十五卷。元史拾補十卷。荀子集二十卷。莊子集解八卷。五洲地理圖志略三十六卷。日本源流考二十二卷。外國通鑑三十三卷。其撰集之書。則有合校水經注。續古文辭類纂。駢文類纂。律賦類纂。十家四六文鈔。六家詞鈔。其校

濟寰以是歎服其賢。及先生卒。濟寰撰語挽之云。邑乘未修。長沙文獻留遺恨。蓋紀實也。然城中自姜曹諸人外。猶多不慊先生者。先生卒時。善化朱西堂爲文志哀。述其學行。送祭某報。主者某不予登。然先生在戊戌時。最詆斥梁啓超。及啓超返國。爲司法總長。一日秘書湘人某。言吾與葵園不合。以論學耳。至其行館。固心服之。子爲我作書敬問起居。而先生語其門人王達。亦言梁某亡命十餘年。觀其近作。頗有長進。故吾爲五州地理志。仍采其新大陸游記。但隱其名耳。往吾友寧鄉向瑞琨淑子與梁任公徒友。如塞季雲湯覺頓輩。類不治生。而他政客多營私利。急衣食之私。以此服任公不可及。亡友楊炳照碧山。亦言革命以來。老儒如楊守敬輩。多出爲袁氏參政。而葵園獨自愛重。終不肯出。日勤所業。抵死不懈。此其爲學之勤。老而彌篤。雖怨家仇人。亦且敬之。且葵園自矜名節。其門人自朱容生梁節陸陳仲郭復初黃木父。黃麓生

刊之書。則有欽定天祿琳瑯書目。前後編總錄。世說新語。那齋讀書志。景教碑文紀事考正。其開揚先德。則有通奉公遺著詩義標準一百十四卷。鮑太夫人年譜一卷。季弟先恭校注魏鄭公諫錄續錄。文貞故事。拾遺一十一卷。軍事攻證。成弟未見之志。其表章鄉邦者。若周侍郎壽昌。郭侍郎嵩遠之集。毛茂才國翰歐陽州判啓毛孝廉貴銘之詩。吳訓導敬樹之文。並輯善刊布。用章遺獻。訪獲亡友李布衣諤。丁孝廉蓉綬李明經楨詩文集授之梓。蘇郎中與。著春秋繁露義證。書成而歿。爲刊行之。其篤風義又如此。自爲詩文曰虛受堂文集十五卷。詩集十七卷。門弟子所編刻也。先生天性純篤。事鮑太夫人孝。中年所生子女。多夭折。太夫人感焉。先生愴色縮容。務得親歡。太夫人疾。禱天請代。及卒。哀慕終其身。世母郭。兩嫂吳楊。弟之婦張。並苦節爲建一門四節坊。奉其嫂隨視焉。先生以丁巳年十一月二十六日。卒于涼塘。春秋七十有六。卒前數日。自知告終之期。預書日記。遺令不訃。不入城設奠。卽以其年十二月十九日。葬上涼塘左壩。子首午趾。實長沙之東龍喜鄉也。配張夫人。繼配周夫人。李夫人。側室宋氏。毛氏。李夫人生子二。榮祖壽祖早殤。嗣子二。與祖祖陶。先生晚歲毛氏生子祖恩。明德有後。蓋天祐云。女子子六。娛祖願祖慧祖昭祖李出。大貞毛出。二貞宋出。並孀。孫男一。代恭。孫女二。慶坻奉先生教。逾四十寒暑。再官於湘。每相見。則大歡慰。憤切時事。則又相鬻而悲。別無幾何。昔之所悲。不幸言中。人紀滄敷。斯文垂絕。一線之繫。緊先生是賴。天遼奪之。此海內承學之士。所同聲悲歎者也。而豈慶坻之私痛耶。嗚呼。乃爲銘曰。

聖清右文。儒風大昌。乾嘉經師。邁漢軼唐。流風漸被。迄乎同光。運際百六。道術晦盲。孰衷諸聖。以衛厥防。有魁一儒。奮起湖湘。甄綜六藝。言提其綱。早謝纓紱。屹乎鄉邦。閔彼邪說。乃剔乃攘。挺挺志節。嶒如雪霜。翕贊之口。奚損毫

蘇阜康黃宇達十數人。雖隱顯殊途。貧富異境。而皆堅守所志。各厲清修。知葵園平昔。取友教士。非第詞章考證已也。至春臺歌舞。太平盛事。昔馬季長後庭女樂。謝太傅東山絲竹。竄以娛老之小事。而毀先達之大節乎。敬論其學行以示吾黨焉。二月十九日記。

### 游葵園記

歐陽繪

幼從師受古文辭。稔長沙王葵園先生名。及客長沙。尤習聞葵園多遺書。心嚮往久之。塵鞅拘牽。造訪莫由。丁丑夏仲。識路局同仁王震萬君。俊逸其姿。冲和其性。年少文雅。風味醴然。健羨不置。聞叩家世。則葵園先生孫也。一日震萬要約。驅車至稻穀倉。有額門葵園者。叩而入。震萬介見其叔石庵。及國學報魏編輯節山兩先生。茗譚甚歡。

芒。繼道隆升。黎國存亡。羣陰所播。國步以傾。筮易得遜。曠景涼塘。覃思終業。起廢對盲。龍蛇應識。萬土滌滂。緬昔禰山。身晦名章。越三百載。遐晷夕堂。學統一系。終始南衡。遺書瀟家。名山是藏。勒名幽塚。永詔茫茫。

### 王葵園先生墓碑

門人黃兆枚敬撰

長沙省治東迤四十里。其地爲龍喜鄉。王葵園先生晚棲於其鄉之涼塘以老。先生自江蘇學政任滿告歸。尋築室省城東隅居之。署曰葵園。學者因稱葵園先生。卽不復出。年方四十有七。同治甲子。由廩膳生舉於鄉。明年成進士。入翰林。散館授編修。擢右中允。遷左中允。司經局洗馬。翰林院侍講。左右春坊庶子。補國子監祭酒。庚子典試雲南。乙亥江西。丙子浙江。越十年簡江蘇學政。其國史館、功臣館、實錄館、協修纂修總纂總核。奏派纂修穆宗聖訓。文淵閣校理。本衙門撰文。日講起居注官。則兼職也。歸田後。復由疆臣奏進所著書。給內閣學士銜。先世籍江南上元。明正德間。有曰芑者。以進士官湖南岳州通判。徙長沙。遂爲縣人。初爲秀才時。承累世文儒之後。將益拓其學。以貧驅走郭曉。入軍幕。意欲羅中興會胡諸老立功名。而卒以文學顯異。始通籍。宗周自卷侍郎益治園圃。究書邃奧。今讀其書。其東華錄、東華續錄、備掌故也。皇清經解續編。尙書孔注參正。三家詩義集疏翼經訓也。漢書補注。後漢書集解。新舊唐書合注。元史拾補。正史誤也。其未刊行而已成稿者。有史記旁證一書。集有清諸儒之說。通合勘證。而五州地理圖志略。日本源流考。外國通鑑。又爲旁搜博考。不囿於一隅。荀子莊子集解。校水經注。鹽鐵論。世說新語。郡齋讀書志則發揮名箸也。校刊其弟魏鄭公談錄校注。鄭公諫續錄。文貞故事拾遺。文貞年譜。則表彰聖臣也。天祿琳瑯目錄前後編。南菁書院叢書資儲典籍。景教碑文紀事考正。藉辨風教。述詩義標準以著家學。

石庵先生曰。葵園。先公解組歸所築居也。樂道著書。數十年不復出。世稱葵園先生。園。曾以乙亥歲軍庫失火。殃及大半。旋政府斥資助修復。稍異舊觀。園西爲居室。室蓋左折構層樓。曰虛受堂。貯遺書。室之右爲榮祿公祠。旣乃取次導觀。居室各幢。張列清季及時賢畫畫。以何曉叟吳清卿二聯特足珍異。閒度藏者猶影。入祠內。肅瞻遺像。衣冠峻偉。遺書版片。排列充棟。四壁石刻林立。郭鶴仙所書永慕虛額及跋語。尤矯健。使人神王。轉涉園林。轟然者牆。潏然者池。鵝鴨棧欄。瓜菓成畦。異卉名花。簇聚而繁植。綠陰連幄。青苔遍地。小鳥追啣。零露有聲。踟躕怡神。幾忘身在鬧市中矣。登藏書樓。比屋疊架。皆玉軸牙籤。精瑩光潔。目爲之炫。園學報社。卽設樓東偏。時漸炎

古文辭賦文律賦類纂。十家四六文鈔。六家辭鈔。以示法程。而於魁頓樸士。果造深微。必與昭聞。不令泯滅。其虛受堂文詩集。門人陳毅蘇興。編訂各如于卷刊行。在朝矜砥名節。所論列嚴門戶之漸。肅刑典之用。杜官寺之禍。黜姦利之尤。節糞物力。深防夷患。宏開士路。持議皆中。無激烈之氣。而多懇至之詞。退休以著書教士爲樂。先生分別道器。嘗言中國之病。在務虛而不求實。然必立一物於虛。幹於實之際。而後其實有用。盡以利民。不至流爲淫巧。窮物之理。以致於精。蓋以堅質勝。非淫巧也。其立一物於虛。以幹於實之際者道也。實皆有用精也。豈淫巧之謂哉。兆枚嘗侍先生得聞斯語。近人黃穀子固之言曰。天皇治天。地皇治地。人皇治人。五帝治德。三王治禮。漢至清治文。後世治器。然器留夫文。文留夫禮。禮留夫德。德留夫道。故先生於著述之餘。考求製造。所謂器留夫文。以留夫禮。留夫德。留夫道也。而世趨詭異。器亦乘之。宣統二年。長沙飢民聚訐。巡撫掛藩司主持。諸薦紳遂列名請易巡撫。以先生居首。而先生一無聞知。朝議竟論窮殺。於是先生益有杜門掃軌之思。自支殘年。蠶居而絕於時。以辛亥後六年丁巳十一月卒於涼塘。春秋七十有六。卽葬上涼塘左墻。先生諱先謙。字益吾。清命絕署曰遜。配張夫人。繼配周夫人李夫人。側室宋氏毛氏。所生子女皆孺。嗣子與祖祖陶。晚得子祖恩。毛出。宋氏自先生卒。卽持齋奉佛。有行誼。能護存先生之書。其族人於其既沒議升爲正室。而毛氏不欲僭稱。循分以安之。皆知禮者。總計先生乙丑以後。在朝二十五年。在野二十七年。均以培國本持世教。二者一歸於學。善事其母鮑太夫人。母沒服闋。一哲學江左卽告歸。爲永慕廬。郭侍郎嵩濂記之。嵌於室壁。蓋先生之學從孝入。故根本盛大。始卒時。其門人錢塘吳慶坻爲墓誌。其友列狀廬史館立傳。前嶽麓院生黃兆枚。以先生學有定力。門庭寬廣。勸迪後進。爲湖湘巨儒。關繫世運之人。乃更爲墓之碑。時距先生之沒。蓋二十年於茲矣。

矯。南風不振。筮欄偶惠。遙聞呼賣報聲浪。亟探視。則倭寇侵蘆滯橋。我軍奮起抗戰之號外也。相與慷慨而別。夫今日而言國學。殊類失晨之雞。雖然。一武王遺耳。倭邦矜爲太和理。矧我國學。垂五千年。聖聖相承。樹不拔之基。民族精神。胚胎所繫。詎可替於世變之日新。今昔之異勢。而舍己芸人。盡忘國本哉。此有識當道。所必提倡國學。扶大雅之翰。與時代文化巨流匯合而齊驅。兼收衆長。以適應於不敵。而追崇明德。轉移風氣。並爲常務之急也。葵園先生。近世國學泰斗。斯園一隅。實關國故。宜乎世之推崇維護。嶸然長存天地間。以興起我後之人。於吾固有文化。雖乎以自信。卓乎以自尊。益闡發光大於勿替。又豈僅流連光景。供游觀之樂已哉。越日。特抒所懷以語震萬。詩難方棘。羣情皇皇。震萬顧不以余言迂且悖也。屬書爲之記。

王葵園先生墓表

弟子顏昌瞻謹識

吾師葵園先生。年七十有六。卒於長沙龍喜鄉之涼塘。建國後六年十一月二十六日也。其年十二月十九日。葬上涼塘左塢。葬久矣。嗣子祖陶始刻昌瞻表其墓。先生自少卓犖有大志。於學無所不究。釋褐翰林院編修。累官至國子監祭酒。外值江蘇學政。任滿假歸。引疾不復出。幼孤貧。往往窳薪不周。而吟誦自若。以兄弟早世。子女淪落。太夫人盡然憂傷。先生視聽無形。曲博歡心。事寡嫂婦孺盡禮。沒為建坊。清政不綱。母后廢燭。鞅國防而崇土木。嬖官暨而弛紀綱。先生疏劾權閹。直聲震天下。取與一介不苟。卻學務議長諮議局會長稟給。移設簡易小學澤善求仁諸堂。主思賢城南嶽麓講席二十餘年。裁成多士。獎掖後進。如將不及。門庭廣大。著書滿家。精魂所寄。不以生而存。不隨死而亡。太上三不朽。先生有焉。甲午東藩之失。朝野譴言變法。巡撫陳寶箴倡建南學會時務學堂。先生嘉贊其成。既開離經背聖之論。毅然不憚。答論辯正。由是與時賢齟齬。及趙爾巽改隸苑書院為學堂。先生始意保存古賢遺蹟。經昌瞻一言而痛。自此杜門不復與聞時事矣。生平撰述輯錄校刊之書都如千卷。氏諱世次官代具詳錄塘吳處堦志墓之文。嗣子與祖祖陶祖思。咸克厥家。諸孫亦皆繼繼有立。天之祚善。庶在於斯。

先府君葵園公行狀

一八

先府君資稟穎異。為祖父載之公祖母媿太夫人所鍾愛。年甫四歲。即命入家塾。從大伯父會庭公學。六歲學為詩文。十歲文已完篇。大伯父教二伯父敬吾公及先府君。殫竭心力。逐日取通鑑講解。次日。令二伯父覆講。使先府君聽之。又取事類賦。子史精華。圈出八事。令二伯父及先府君各記其四。亦於次日覆講。故先府君甫學為文。識古事已頗多。十一歲。出就外傳。咸豐癸丑。以避寇亂移居北鄉滂塘河。大伯父選疾歿。先府君從二伯父學。丁巳。補縣學生。二伯父聞後歿。已未。先府君食廩餼。辛酉。祖父歿。自大二伯父之歿。祖父憂傷咯血。病困積年。遂以不起。生平遺著。有詩義標準一百二十四卷。宋古初迄明代。精粹之作。分別義類。綴以評點。開示詳切。先府君及大二伯父詩學。皆祖父教也。時驟擢大故。家徒壁立。先府君赴鄂省長江水師營營。營官原任狼山鎮總兵王公吉。聘司書記。同治壬戌。赴永州。旋歸。癸亥。入督辦陝南軍務原任江西布政使李公桓幕。至湖北。李公以病免。先府君入記名提督梁公洪勝幕。甲子。在湖北軍中。官軍敗績於天門之九真廟。先府君隨梁公帥敗卒突圍出。移營蕪水。七月歸里。是歲舉於鄉。乙亥成進士。改庶常。乞假南歸。丙寅。滿叔父禮吾公補縣學生。戊辰。先府君散館。授編修。庚午。充雲南鄉試主考官。

。辛未。滿叔父放。叔父報捐知府。將入仕途。才具明練。性情純粹。先府君自失手足。傷勸備至。以待祖母無人。舉家北上。於壬申二月奉祖母太夫人抵京寓。甲戌。充會試同考官。乙亥。大考擢補右中允。充江西鄉試主考官。丙子。充浙江鄉試主考官。庚辰。充會試同考官。升補國子監祭酒。商之同官。奏請大學肄業生。因時變通。仿明代添設舉監名目。准舉人入監肄業。並請思准職官入監肄業。商請左文襄公宗棠籌措五萬金以裕國學經費。自辛未以來。先府君官差兩運似頗順利。而兩子四女三姪女死亡相繼。雖強顏破涕以慰祖母。然腸寸斷矣。壬午三月。孝貞顯皇后周年。奉派詣陵行禮。初七日。先府君就道。祖母太夫人初八日猝中風痰。迨先府君歸。已不能言。延至十六日寅時長逝。五月。先府君扶輿由海道南旋抵里安葬。遊祖母太夫人生存時遺命。報捐千金助山東賑。由山東巡撫具奏。賞給祖母太夫人藥善好施額。乙酉還朝。未與考差。蒙簡放江蘇學政。差竣後。請假兩月回籍修墓。先府君官情素淡。因家門多故。子女夭亡。在江蘇兩廡母各生一女。又皆蹉跎而殤。中心忽忽不樂。益生厭棄世故之意。加以到任後。頻患腦後虛驚暈厥。時懼顛越。久而益甚。假期已滿。病體未痊。呈請湖南巡撫代奏開缺。得奉俞旨。築宅於省城北隅古荷花池前。名曰葵園。移居之。先府君自通籍後。溺苦於學。日以弗知弗能爲恥。既入史館。以蔣氏東華錄由雍正上溯開國未詳備。

乾隆以下至同治闕如。鈔而續之。成東華錄東華續錄共四百十九卷。於是清朝列祖圖治鴻謨。炳麟史籍。剗劑之費。悉出己資。雖楚殮間之所勿顧也。在江蘇任內。擬刊經解。友人多以費鉅難成爲言。先府君毅然行之。捐千金爲倡。廣丐同志。鳩集五萬餘金。分局泐刊。卒以二年餘。成皇清經解續編一千四百三十卷。南菁書院叢書一百四十四卷。先府君嘗言。左文襄公云。君等思有爲於世。當知天下無十全事歸我做。但審事屬應行有二三分可成。即當急起直追而爲之。先府君服膺此言。凡遇應爲之事。靡不搏心壹志。以期有成。萬一衆力不可恃。破產勿惜。卒憤所願。知天下欲善之心。皆同此理可信也。時郭篤仙先生在籍。開思賢講舍。主講其中。固以讓先府君。以先府君喜刻書。商之隄務公所。歲致六百元。設思賢書局刊書。先府君以公錢刊者歸公。已費刊者歸己。二十餘年來。成欽定天祿琳琅前榜編二十四卷。尙書孔傳參正三十六卷。詩三家義集疏二十八卷。漢書補注一百卷。後漢書集解一百一十卷。新舊唐書合注二百五十卷。蒙古通鑑長編若干卷。五洲地志三十六卷。外國通鑑三十三卷。日本源流考二十二卷。重刊景教碑文攷正一卷。荀子集解二十卷。莊子集解八卷。合校本經注四十卷。郡齋讀書志附志三十二卷。世說新語八卷。鹽鐵論十卷。續古文辭類纂三十四卷。駢文類纂四十六卷。周自菴先生忠益堂詩文集十九卷。郭篤仙先生詩文集五十五卷。李佐周曉蘭室文集

四卷。吳南屏文集十二卷。李禹臣詩集若干卷。丁笠雲詩集若干卷。西垣詩集三卷。歐陽弼東詩集二卷。六家詞鈔六卷。蘇厚志春秋繁露義證十七卷。世俗應用之書數百卷。刊五洲地志時。以公款支細。提學吳公慶坻助費二千金成之。亦友朋厚誼也。光緒戊申。撫院岑公慶奕奏進書籍四種。恭呈御覽。奉旨賞加內閣學士銜。先府君嘗言財以理事。多藏何為。督學江蘇時。祁太老師文恪公為言。署右側有明季科清機園遺址。已為畧地。陳公希曾題曰寄園。昔日隨侍在畧賓友莫集。極一時之盛。及先府君抵任。知園燬於寇。費三千餘金葺而新之。光緒之末。派充學務公所議長。歲支銀二千四百兩。既奉預備立憲之詔。設諮議局籌辦處於省城。派充會辦。歲支夫馬費一千三百五十兩。皆捐入學務公所。不取分文。官京曹時。浙撫譚文勳公案寄乾隆朝東華續錄十部。轉給僚屬。助費千金。先府君不欲挾書射利。亦婉辭之。自主講思賢講舍後。城南綠麓。大吏遞延主講。除循例拜謁外。地方公事。從無干涉。岑撫進奏書籍。尤頃相欽挹。宣統二年。有奸民藉機要挾。焚燬撫署之書。某首列先府君名。致電鄂督。言巡撫不怕儼民。致被燬署等語。先府君在家。竟日與巡道張公鴻年。知縣汪公先所晤談。數時之久。未之知也。迨後鈔悉電文致電鄂督。鄂督已據前電奏矣。得降五級開用處分。郵傳部參議胡公祖蔭等三十餘人聯名奏請復在。大學堂監督劉公廷琛兼參鄂督。韓忠愷到鄂。徐東海相

國屬合鄂督自行檢舉。柯公逢時亦力言之。而事權不屬。迨余公誠格撫湘與先府君晤談。言制軍一概盡知。且自任昭雪。而新軍猝變。先府君避地平江。此事竟成隔代矣。先府君自遭此無妄之災。閱世愈覺雪淡。在平江蹤跡落莫。所歷殆非人境。甲寅年春三月。不孝祖恩生時先府君年七十有三。暮年抱子。稍有歡容。而精神氣體迥不如前。甲寅初夏。自平返省居東鄉四十里之涼塘舊莊。謝絕人事。日手一編。因晉書自唐代纂成。即有遺議。思加改譌。前為外國通鑑。雖已脫稿。應補訂者尚多。晨夕經營。不遑少暇。嘗自言一官因病早退。自今絲粟皆出天恩。此生別無報稱之途。惟自矢一息尚存。一日不敢坐食而已。今歲十一月二十五日。兩促不孝與祖由城來鄉。見先府君猶手書校閱不倦。日夜侍側。閒訓最久。人定命不孝等暫退。先府君就寢。至二十六日寅刻。忽寤而醒。趨問安否。曰或稍感寒。因請問服何方。不答而痰聲漸動。醫者隨至。謂脈見真臟。藥弗及也。至巳刻竟棄不孝等而長逝矣。嗚呼痛哉。先府君生以道光二十二年壬寅七月初一日子時。春秋七十有六。遂於十二月十九日。葬涼塘舊莊之原。先府君通籍以來。一心力學。編著羣書。嘉惠士林。不孝等生晚失學。未能通讀。謹泣述先府君平生學行用備國史采覽。

吳南屏祖陶祖恩謹狀



## 序跋之屬

### 虛受堂文集後序

長沙王閣學葵園太夫子。一代儒宗。年未五十。自江蘇學政改組歸。閉戶著書。嵒七窮年。無間寒暑。時余同居會城。辱公矜尊。每撰一書。必持稿相商榷而始定著。二十餘年。無日不從事文字之役。而遊藝之樂。亦盛極一時。宣統庚戌。米荒獄起。同爲當事羅織。畢吏議。回憶戊戌政變。與公同持正義。觸忤異己。雖幸免於禍。至是十三年卒罹黨網。朝綱陵替。羣小鸚飛。逾年而有辛亥之奇變。此固公所不及料。而亦非所忍見者也。自是公遁迹山林。罕與世人相接。余則退居門故籍。不相見者五六年。丁巳公歸道山。曾爲詩挽公。略抒知己之痛。書諭兒輩往奠。詢公遺著。知後漢書集解。已脫稿付梓。而新舊唐書合注。在上海纏藝風先生處。見經籍藝文兩志。底本。託先生校補。不久先生亦物故。後遂無從問訊矣。辛酉余客都門。詢公詩文集。僉謂此海內爭覩爲快者。又聞公有自訂年譜。均無從購取。公昔在湘。與湘綺先生有二王之名。身後之名乃遠出湘綺上。世之慕公

者。咸以不得讀公遺書爲恨。知公學問文章。其感人之深。過於湘綺。固自有其本末也。去年余由蘇返湘。見兒輩案頭。有公年譜。及詩文集各一部。因轉告嗣君湘閣等。屬其鑒印。以答同人景仰之意。嗣君曰諾。乃並書札。合爲四種。而以序引相屬。余侍公。久辱知深。於公學行未窺萬一。何敢妄下己意。更贊一辭。惟余生得見公著述風行。禮書有帶。是固衰年一快事也。故不辭諂陋。輒述其始末以爲附驥之幸云。時癸亥歲雨門下晚生葉德輝識。

### 虛受堂詩集後序

余田居三十餘年。與長沙王閣學太夫子葵園先生。過從最密。先生每舉余詩。空所依傍。可以獨樹一幟。至引余和詩附入其集。其阿好甚矣。余不喜言詩。而每聞先生論詩大旨。不主性靈。亦不主典實。欲以杜蘇陸三家。融冶一爐。而自成一子。於二家集中詩。十九可以背誦。無一句遺忘。則知其所得深矣。同時與湘綺先生並稱二王。然湘綺摹擬六朝。耳目手足。皆非己物。先生頗諷之。余亦附和先生。不越湘綺也。大抵詩無論漢魏六朝唐宋。一朝有一朝之風氣。一人有一人之本色。即以三百篇論。風雅頌體。各不同。各國之風。亦自殊意。必懸一律。不許人輕犯。豈古人言志之義哉。先生詩與湘綺異轍。而自有先生之真。今捐資客已六七年。海內求其遺書。懸重金以待。若其詩文集稱者甚稀。則

知世間無真知書者也。先生詩削腐存液。刻鏗新深。得杜之神運。蘇之氣。合陸之味。置之國朝集中。挺然拔秀。未有與之相似者也。世有誦先生詩者。必以余爲知詩之甘苦矣。奚足爲先生詩增重耶。歲在癸亥二月門下晚生葉德輝謹識

### 葵園遺書跋

後學李肖耶敬識

長沙閩學。季清巨儒。著書滿家。門庭廣大。予嘗論其尊崇經學。似儀徵阮相國。蓋正文章。擬桐城姚郎中。校注羣史若嘉定錢宮詹。考證諸子。如高郵王觀察。而考其平生著書。尤有功於楚學。蓋湘州人物。盛自東京。自晉迄唐。輩興文彥。昔賢著錄。如晉張方之楚國先賢。鄧泉之沅湘耆哲。周聖楷之纂述楚寶。羅研生之編輯文徵湘義主褒美鄉賢。甄錄或傷浮濫。先生念經術之不明。望鄉人之奮厲。以爲冀齊稗疏。提要時有徵詞。擬園管見。通方此言其巨謬。求如易殺之說易。觀園之學林。羅氏之述尙書。周子之言太極。在於清代。難值其人。故於續刊經解之時。留意表章湖湘之學。於魏鄒敷公而外。彙錄湘潭二胡之書。人竟及於生存。例不拍於故事。特相誘掖。深具孤懷。其後先生集疏三家之詩。參正安國之傳。無不采同人之說。集衆家之長。重復先經學之深。彙及其子。一先生稱皮先生深於經學。任舉一義。觸處洞然。又與蘇阜康書云。讀皮先生經學通論。令人愧汗無地。其爲詩三家義集疏。采皮先生仲子嘉祐說至數千

條。一服鄒園涉覽之博。多取其長。「先生注釋名水經注世說新語漢書采葉吏部德輝說最多。」後生見聞。邁逾前古。多能明今古之別。知漢宋之分。實由先生最爲老師。又郡書局。思賢所刻。津逮衆生。講舍高才。今爲老宿。傳其舊業。迥異時流。郭(復齋)侍講以三禮成家。孫(季虞)用六書名業。師承所自。都出王門。此有功於楚之經學也。漢書之學。盛自湘人。何東洲於前漢爲專精。曾太傅列孟堅於聖哲。其後周荇農覃心陳志。郭玉池評校史公。先生補注班史。垂老方成。博采衆言。裁量衆說。于郭「嵩燕」王「閔運」羅「鴻觀」杜「貴碑」之著。王「啓原」皮「鹿門先生」葉「德輝」李「楨」之書。厚康「平江蘇興」伯成「安化陶憲曾」之校刊。同宗四王之札。記「長沙王文彬及先生從弟先和先惠先恭先慎四人」。苟有可采。靡不兼收。其後集解范史。則黃「山」柳「從辰」效其勞。經緯五洲。則曹「典球」王「遠」分其役。乃至兩唐合注。元史拾補。亦多依鄒廬「湘鄉陳毅」之成說。據古徵之新編。「邵陽魏源」葑菲不遺。洪纖悉記。彌尊往哲。復畏後生。求有裨於高深。益足徵其識量。此有功於楚之史學也。九流之學。楚士號精兩王有衍莊之書。魏易「佩紳」傳解老之業。曹鏡初造墨子箋解。易石甫有淮南新疏。綱髮經生。最精閩陵之書。「湘潭胡元鏡子威」孟純文人。亦有釋莊之集。「湘陰郭慶藩子靜」而其先則曾太傅能言其大。「太傅嘗言諸子皆可師」李布政「次青」

能如其深。「次青嘗言曾公自苦等於禹墨。特法則用中韓。善處功名之際。則用黃老」先生集解荀子。多采大胡之言。繼釋莊書。又承小郭之後。用心各有疏密。義例不無略詳。「劉申叔之荀子校釋。馬其昶之莊子。故多能拾先生之遺」然其後陳貽伸爲墨子正義。蘇阜康校晏子春秋。羅庶丹爲呂覽註音。楊遇夫撰老子古義。溯其原始。啓目先生。前哲之倡導既宏。後進之摹效自廣。近時賈濱戴子。倡名學於麓山。「益陽戴潤珂。有諸子概論。其縣人羅潤泉有墨子解義。」漣浦譚君。振玄風於江漢。「湘鄉譚介甫著名墨經辨。其師顏昌嶠。著管子校義。顏先生門人也。天湖南北。厥道益光。此有功於楚之子學也。昔盛均見放。傳騷賦於湘南。羣玉善詩。標芙蓉於唐代。明有西涯之樂府。清有陶國之新詩。益洗蠻風。登諸華藻。而耦耕經世之集。不錄文人。湘鄉雜鈔之編。未覩議法。先生於是綴夢穀之類纂。示古辭之準繩。錄求闕梓湖之粹。「曾太傅有求闕齋文集吳南屏有梓湖文錄」攝南村壯學之英「新化鄧顯鶴湘泉」長沙周樹槐星叔「孫集芥實取其說虎。三十九人之內。湘中著錄五家。茲編既出。羣士知歸。其後黎庶昌之續纂。異質同名。蔣瑞藻之補編。錄新選舊。而坊賈注釋。巨經百生。「中華書局王文瀾注本統釋最多」滋可痛也。又先生類纂駢文。以補王開修之法海。李申者之類鈔。離韻則論贊分門。史通則全書入錄。傳毅或移漢入晉。袁序與嚴人袁簡齋序則有目無文。尋其例

條。小有岐異。然而取裁豐贍。斷制精嚴。而選師伏之序賦。殆將百首。錄湘綺之頌贊。亦且甘肅。自餘明郭之詞。「玉池自庭」夢「枚功」孫「芝房」之製。皆加甄集大振湘文而阜康被錄。翊雲見遺。「長沙吳士瑋作重刻孔巽軒集序。葉郎園諸先生選入始許之矣已而棄之。」豈由阿好之私。蓋實擇詳之慎。至於詩餘之作。選輯六家。湘雨振其風流。桐華飛其麗藻。尤足振新聲於湖外。傳逸響於江潭。幼學尋途。作家輩起。而先生刻思益發。知之集。梓跡東西垣之詩。復修先德遺書。刊行詩義標準。是皆本源忠孝。發揮性靈。當代奉爲宗工。「湖綺云。益翁自命宗工」前輩服其史筆「郭筠老見先生所補明史忠正傳。歎爲范蔚宗一流人。」其詩亦清異精澁。卓爾名家。「弼園頃稱先生詩。」惟儷體僅見四六之弁言。駢纂之序例。亦能完義神之鉅奧。判雅俗於豪芒。矩矱森然。芥滄與歎。「見長沙黃吏部兆枚所爲郭編修家傳」。此有功於楚之文學也。綜茲四部。集諸一身。纂述鴻編。發揚鉅業。其名馳於域外。其書傳於寰中。湘園靈光。百年寥兩。而考其自譜。則先生弱而失怙。困至備嘗。迨雅步於玉堂。乃專精於青簡。始由纂錄之業。上窺著作之林。出掌文衡。入爲祭酒。比錄早登宰相。門徒多至大官。使先生久宦京華。迴翔臺閣。固當班駁公輔。官軼盟張。而先生抗疏劾奸。拂衣歸隱。開葵園於北郭。主鹿苑之經壇。門無俗客。停問之車。業不他紛。雅意藏山之策。虛懷取善。樂受人言。友

朋類以成名。善類蒙其庇護。屬舊新之交會。或譏刺之相乘。而先生節中待終。韓堂講業。煙舟避地。猶編詩義之書。涼塘伏居。日校蔚宗之史。克全晚節。概爲貞儒。用能張大楚風。集成俯學。惟盛業必得百世。史書列傳於儒林。生大儒不爲一鄉同里先蒙其放澤。敬書風感。用賀同岑。

### 題葵園所著書後

星 庶敬讓

葵園先生。吾楚巨儒。列傳儒林。名登清史。考其學業。皆有定程。其始力用彙錄。庶績前編。如補纂十一朝東華錄。續姚氏古文辭類纂是也。次則選輯萃書。張皇絕業。如續刻皇清經解。南菁書院叢書是也。次則校刻諸籍。如刊行方言水經注魏鄭公諫錄。世說新語。天祿琳瑯書目是也。次則刻行師友著述。如序刻吳南屏泮湖文錄。郭侍郎奎知書屋集。王編修龍文平養堂文編。及梓行李禹臣毛國翰歐陽弼東諸家詩草是也。次則箋釋萃書。博綜百家。如漢鏡歌釋文箋正。莊子荀子集解。漢書補注。後漢書集解。新舊唐書合注。皆萃聚衆家。折衷至當者也。其後則沈潛經義。研發聖微。如尙書孔傳參正。詩三家義疏。實能究古今之異同。明齊魯之孤義。蓋積平生之精力。以成專門之業者也。都所輯。凡數千卷。載筆記注。五十餘年。奔走兵間。不廢常課。老年轉徙。日手一編。其所述嘉惠於方來。其用心無懈於往昔。故玉池推爲文雄。湘綺命曰宗工。皮先生服其精力絕人。

章枚叔謂其通知法式。湖湘近代以來著作之才。罕推此老。雖怨家仇人。不能掩也。夙究國聞。隱憂世變。自其在朝。以講席三海工程。嚴劾李閣諸疏。直聲振於天下。謝官家居。主講書院。感傷時事。間纂新書。既重刊景教碑文紀事考正。纂述日本源流考。又有五洲地理志外國通鑑之作。搜采不遺異己。宏獎及於後生。編纂止於湘濱。而精神通乎宙合。足知其老而意健也。少承庭誥。雅好吟誦。集中從軍諸作。雄深雋永。與通籍後之雍容華貴。擅聲臺閣者。氣象不同。而通體清切通曉。葉園最所稱誦。蓋先生於集杜蘇諸集。致力最深。精華名篇。略可成誦。故風格鬱然。已自名家。文章諸體皆工。而書序銘誌尤美。考事皆有依據。其原出於劉曾蔡韓。斯才分有獨至也。予少知讀先生書。散述其略示景仰焉。

### 後漢書集解附續志集解校補跋

葵園先生刊所著後漢書集解。及續志集解。共百二十卷。未畢兩卷。卒所居涼塘老屋。其前已就印出者。屬某君總校。既卒訪之。並書無存矣。先生副室宋大家。奉遺命經理未完書。乃重印。屬山總校。溯甲寅秋。山從先生涼塘校刊三家詩義集疏。是書尙餘列傳數卷。未定藁八志。馬君與龍任郡國。李君嗣攝任百官。聞皆寫定。而禮儀祭祀。與服未備。並命輯補。皆爲說撰箸大指。究未睹全書也。及從事總校。

始悉鳳板寫刻齋。紙繆百出。底藜十七三四。所采接諸家書。先生因亂播遷。亦多不在。弁首僅先生一序。篇目猶闕。遂述所聞於先生者。邊前漢補注例鈔補篇目。更藉彙籍。比校推攷。分別改錯。而篇幅固定。集解漏刊者。莫由悉補。則別爲校記。系於某卷之後。愚荒所及。間加案語。亦附著焉。名曰校補。不敢亂原書也。畢三十卷。屬有杭州之行。大家復延柳君從辰。庶綬校勘。並查別得失。疏其異同。寄杭州俾山君勸業入校記。山更與柳君往復商榷。然後決定。大家補刊先生詩文集本。設書局藝園中。爰自督促手民。且改且補。又三涉寒暑。而後觀成。蓋先生晚歲所著諸書。兼營並進。日力全耗於編纂。此書雖付刊未及。自校將竣某君總校畢。再自釐定而已。不逮也。時更多故。先生高第弟子。蒼落已甚。在遠者復不相聞。山嘗乞助於同門左君震。黃君達元。王君正樞。劉君翥。比來杭。而左君旋殂。抑無由再從諸君踏益。惟柳君終共是役。蒐討之功爲獨多焉。迴思先生於是書。遠跡荒寒寂寞之區。日手一編。雖病不少休。所爲憊心罷精。不知老至者。豈惟是發揮旁通。藉存一家之學。亦以建武續統。克迪前光。撥末葉之分崩。而求中興盛軌於以揭弊治亂之迹。媿夫窮而思返者。得所鑒以爲折衷也。而大家卒。能承先生遺志俾是書與前漢查補注并傳。其爲賢勳古豈多得哉。山實爲冥。客中又乏書卷之助。強自附於小識。尙賴四方淹雅。傳先生學者。從而救正之。斯小子

幸矣。校補既畢。先生長嗣與祖與弟祖陶祖恩請識其事。以無忘大家之勳。於是乎書。門人同邑黃山謹識於杭州旅次

### 葵園著書圖序

門人陳繼訓謹識

之長沙王祭酒師。歿後十七年。門人親舊。於七月朔誕日。咸集爲禮。獻酬既畢。詰嗣石巷出。晤徐君紹周所繪葵園著書圖題其端。葵園者位於湘城東北偏。先生歸田後所築居也。夫地以人傳。人亦與地俱永。彼夫王公邸第。豪富園林。非不焜赫綺麗震駭一時之耳目。顧不轉瞬而蕩然漸滅。隨零盪以俱盡。如曹植所謂生存華屋處。零落歸山邱者至多。而可悲也。惟曠人畸士。經師巨儒。撰杖之所。嚙謂之室。雖殊方絕域。千齡萬疇。往往望風懷想。憑弔流連。景仰不能以已。豈徒氣類相感歟。抑學業性行循至獨勝。其精神光采。足以簿三光五嶽。窮古今而不敵也。繼訓自幼頗嗜文史。於楊子雲文章。元遺山詩歌。尤喜誦之。因遐想其著書之處。所謂草玄莖史二亭。輒往來胸臆間。未獲與之并世。一聆其聲歎。先生於經史百家。暨清世國故。海外圖志。靡不潛探搜索。纂輯成書。著述之宏。爲當代所罕見。而於詩古文辭。治之尤精。方諸二子。未知後先。且二子或稱美王莽。或見辱崔立。雖迫而爲之。究爲明珠之類。而先生則早辭簪組。晚遁荒山。遭逢喪亂。鉅盜距跋。口筆誅伐。不少寬假。幾陷不測。忠愛拳拳。溢於楮墨。蓋其行危志潔。較二

子殆有過之。其然則茲園之足以矜式來學。流譽無窮。又豈在二亭下乎。宜石菴思託毫翰以永清芬。而世之瞻仰遺蹟者。皆慨慕愛悅。如不克見。况繼調固嘗從遊其中。而親炙之者乎。先生天性粹筮。獎掖後進。抱揚風雅。如俄渴之於飲食。平江蘇厚菴太史。績學能文。先生所誦拔以至於成者也。愷光緒癸卯。繼調授徒其家。秋試後太史可余文。因袖以質證於先生。而未言誰氏之作。先生亟擊賞既而笑謂太史曰。得非汝所爲耶。尋告以實。又審視嘆美良久。而決其必僞。後果如言。蓋先生迴翔近禁。歷柄文衡。精甄鑒故不爽如此。自是繼調每一修調。必指示爲學要領。所以勸勉而寵誘之者至周且厚。而繼調學不加進。投老無成。披覽斯圖。儼然如芒刺之觸髮膚也。

## 哀祭之屬

### 葵園先生哀讚

丁巳歲冬十一月乙卯。葵園先生考終山尻戩黎行誼完乎其爲人者也。自知死日。豫草遺令飭其子。無疾而歿。蓋胸無垢芥。以能達於死生之故。曾無蔽惑。是豈易說者哉。昔德宗

時。與張文襄之洞址上章言事。海內推爲名奏。先兵獨推服先生多名言。而深府之洞巧宦亂天下者必此人。晚歲然尻與王檢討閣運。並以文學爲學子所嚴事。先兵撰述。多就先生商榷。復深所閣運商榷。聞其言者。如飲狂藥。其後文襄倡游無日經述與鼎彝等重殆亦席其用。非無杯盤之適耳。於是心且先身以死。檢詩雜諸年少馳騫。教揚雄之龍蛇。於是臉小先身以死。自先生避地。視身若稿。而心常有餘。外人罕得接言笑。斯固有取重於一身之外者矣。時人願吒其遽死。獨不知其不誣其生者。誠絕異乎流俗也。故曰未知生。焉知死。微不至誠孰與能焉。焯整次歲。亦奉母棲避蓮田野。閉戶讀騷。於屈賦淵情。恍若有所窺見。恨兩隔越。未得一從就正。昨歲鑿白大指。謀寄奉。庶得所拆衷藏之儼筍。訖莫郵達之飭那。謹撰哀讚。一申夙心。讚曰。

鉅浪稽天。雲霧承宇。憂與愁接。託身何許。先生覺悟。選微靈園。氣爲傾瀉。結蘭容與。澗留未央。游心三舌。靈瑣用修。豈曰小補。有道於生。詎等羈旅。笑言而化。抑奚悲苦。心之縣存。星日無暗。百世開風。猶將起舞。啟余惜隨。孤懷望苦。願從質之。莫親尊俎。瀟然長逝。尙嘖言語。憑弔蒼涼。雞鳴風雨。

### 葵園王先生誄

門人曹孟其

涼塘在長沙龍喜鄉。雖余家不足十里。儼然一屋。壁列而橋

。瑣以汗泥。癡銷在穴。門外山陌。敗木雷雷。長蟲方盡。卷局中路。此清內閣學士銜國子監祭酒王先生居也。偶有客來。奴出左寶。殷勤孫謝。如避野盜。徒以老病。鄰里無尤。如此三年。蓋然逝矣。孟其驟聞凶耗。走哭於寢。撫靈再拜。忽睹色像。醉顏白髮。故惡承迎。爾其遇我。當風微勸。余既驚疑。卻立悽咽。未見前和。竟成永訣。其家人乃以其年卽夏正丁巳歲十二月十六葬於附宅之原。嗟乎。流亡鐵路。早死猶賢。大道已遠。得非爲禮。旣越明年。遂成斯昧。伊維荒節。遐念斯文。雖曰無章。決其不腐。其辭曰。公之初出。家故營營。豈伊遠志。等於諸生。操履從容。遂左師征。貴賤不啻。憶爲舉子。遊翔帝京。翰林學士。譽望之隆。爲學之始。入爲祭酒。出典文章。朝軒所至。萬彙齊芳。明德不罷。育士之祥。察空衡平。證之以識。一字之褒。榮於顯露。李趙不售。春園異色。(事見葵園校士錄叙。嘗時被擢者。尙有怨彼獨。)發秘成書。實始東華。展觀之速。集稿益車。朝章或故。授拾家。視學江南。續刻羣經。汪汪千卷。孰異承益。儀徵而后。漢學郵亭。尙書古今。參正孔傳。師說石經。聽其剝煉。馬鄭者流。其說益熾。西京時學。本於王生。三家遺說。左右逢迎。陳魏已次。悉聽票明。證詰之功。釋名殊雅。斤兩分明。言無苟假。著錄必先。胡可缺者。(先生有釋名疏證八卷。思賢書局刻。啓中遺書未載)。班范兩注。囊括諸英。成書百卷。僥稱博精。準

葵園年刊 第一集

諸經志。鄙思裴情。副拆晉書。例仿虞陵。唐書新舊。文學俱增。華頰病靈。握槩書稜。邊垂志乘。至於蒙古。東海皇都。窮漢帝宇。紀事編年。敷天率士。水經地志。日錄政書。小言如葉。叢刻盈間。胡不加年。陳馬缺如。施惟諸子。我最莊荷。郭楊之緒。被澤爲春。雜僮鹽鐵。皆付主臣。拊胡柔致。湘雨靈空。詩之清冽。歐陽弼東。制諸棗梨。別集之工。季容一啓。虛受堂作。考據義理。本根所託。著述滿家。皆其注脚。扶積成帖。詩古文辭。姚會而外。別暨雄旗。腐學矻值。卵而活之。三千百卷。并爲一編。經史子集。學海珠船。述作搜富。厭后空前。我聞公語。行之匪艱。一日不死。一日不開。精誠所至。倒海泛山。儒林文苑。非公之真。鉅當一疏。天下維新。棄官焚草。所謂大臣。遭遇艱危。國步頻更。山居寥寂。木石狐辟。迹其遲暮。遺逸獨行。我居金滿。公在涼塘。景行懿德。奉贊登堂。歲在丙辰。八月秋霜。自茲以降。日往月來。青稜繁茁。舊釀新醅。妙言靜悟。庭華自開。幼子亭亭。支頤展拜。駒駟雙隨。因爲大快。遂及生平。忽然長嘔。米鹽之細。兒女之私。長箋短札。告我無遺。戾我一言。信之不疑。我治尙書。伏孔是擇。目無馬鄭。安有毛閻。公顧聽之。不以爲嫌。我欲學詩。劉絕古今。例從蘭甫。晉取亭林。公亦聽之。不以爲僂。我有逸辭。刺謬無辜。自惟將死。深厝幽墳。公頻索之。乃敢以聞。不圖賜書。實出非望。歡喜讚嘆。不可名狀。(此先

生報余書中語一剽覽再三。猷不肯放。十年結構。得此和聲。通人所許。竊附論衡。遺墨宛然。有淚縱橫。臨命之前。殷勤問藥。我欲見公。開歲之約。曾不逾旬。歸於荒漠。朝占枯草。夕聞靈籤。復沓不來。是何以然。豈期無病。而乃遽捐。悲哉死矣。骸未無寒。琴書冠劍。景物闕。千秋百載。侍從無緣。衆口悠悠。曰賢曰否。方在水涯。忽居山阜。苟無其德。鞭之不走。庚戌之變。已成公論。暴之衆人。本余所願。何磷何滯。公當無恨。臘蛇值運。血通中原。斯人逝矣。小子何言。山崩木壞。月落天昏。烏乎哀哉。

### 葵園先生生日公祭文

惟中華民國二十五年丙子歲七月朔。鄉後學彭清藜等。謹以香楮時薦。致祭於葵園王先生之靈曰。維先生辟雍宗主。親下老師。寒松葆其晚貞。青藜發其特秀。術窮子史。探莊荀班范之精。學貫詩書。綜百兩三家之說。薪傳有自。周曾之軌可尋。竹素所貽。孫阮之規益廓。恭承嘉惠。示我周行。清藜等生同里閭。親誦經綸。或為河汾之門人。或屬湖湘之後進。廿年枌社。嗟魯殿其已傾。萬葉椒馨。會故園而展敬。虛受之堂在望。思祀葵陰。永垂之記弗忘。彌懷諒昔。辨香恭具。遺像成瞻。睇城闕以匪遙。溯登盤之始降。藉船山歲時之祀。生並逢秋。誦潛邱祠祭之文。人同不朽。尙稟案先公生辰祀典自建國二十年後相繼舉行門人故舊咸造

在庭黨政軍官及時參與祭文多長沙王瞻蘇先生擬茲錄二十五重修葵園之後所用祭文一首附載於此俾誌不忘

祖陶謹識

## 雜記之屬

### 三植堂序

曾國荃

益吾太史。樹聲於館開有年矣。考試漢南。得士最盛。纂修國史。發潛德之光。筆之所到。鬼神為之感泣。吾楚殉義而有隱德著。莫不賴以表彰。人第知益吾宏獎忠憤之韻。似為激發後來起見。而未知其夙承義方之訓。立說著書。歷以為為體要也。載之先生。舊有三植堂手澤留詒於益吾者甚富。惟益吾能罄其所藏而讀之。故溫文博雅。為衆流所歸。吾觀之木根之茂者。其實必遂。又觀之水源之遠者。厥流斯長。然則士之樹立於當時。垂芳於後世。豈不賴有本源哉。益吾遠邇。以太上顯親為業。著述滿室。足立永久。古所稱邦家之光。惟益吾庶幾無忝也乎。乙亥三月湘鄉曾國荃謹識

案會忠義此序即付於所題三植堂橫額後。原係絹書。尙存葵園。其歲稱乙亥者。去今已六十三年矣。 節山識二



## 王益吾祭酒永慕廬銘

郭嵩燾

益吾祭酒爲永慕廬。屬嵩燾書之。因繫以銘。其辭曰。人皆有母。獨吾母之爲哀。蓋躬習其教。相守爲命。至老而猶孩。况若君骨肉凋喪。惟母之爲依。哀豈有窮哉。君之兄弟。爲泐爲虎。倏忽變化。盡爲烟埃。其文章著述。有傳於世。討論而表章之。足以垂示方來。是其告慰君母者。將使其家之人。與天地齊壽。歷千祀而窮九陔。君以一身枝柱其間。亦豈非天之厚積其勢。降顏酒而使回。然則君之有後決矣。斯其旁薄鬱積之久。而山岳爲開。追思母德。日月崔巍。人壽終盡於百年。年有盡而思無涯。人同此思而傳者。獨以其才。我銘其廬。以告永懷。時光緒九年。癸未長夏。

案此銘刊虛受堂文集所付鮑太夫人年譜後。郭侍郎所自書者已刊石。現嵌稻谷倉榮祿公祠東壁。節山識

## 葵園記

李楨

長沙會城東北隅。彌望皆蔬畦爲圃者居之。咸同以來。圃多餘爲屋。衛宇相望。當古荷池精舍之南迤東。是爲王益吾祭酒之居。祭酒既卜築於此。因度其西偏爲園。略具亭榭。中多植葵。名曰葵園。既訖屬余記之。夫葵傾葉向日。昔人以君子之於君父。惟其誠也。祭酒自登甲科。入詞垣。歷居文學侍從之班。瞻就日月。所以致翊茲以誠者。蓋無弗至。泊

葵園年刊 第一集

持節督學。引疾南歸。遠京師五六年。嚮之咫尺天顏者。今乃食於數千里外。思近光而不可得。其託於葵以志傾向。誼固宜然。而吾以爲祭酒愛君之心。則猶不止此也。往時祭酒在朝。嘗屢因事建言。不以無言責而嘿。即今退處閭里。蕭然物外。而君德之所關。國是之所賴。惓惓之義。彌弗能已。蓋其至誠鬱積。亦如葵之向日。性固可奪也。則其所以名園之意。不尤深隱也乎。或曰。祭酒之命名固善。而其園。規制未闋。疑非所以爲樂者。余謂觀遊之美。雖足以理亂而宣滯。要非賢者所甚措意。而爲園於城市。又不若在郊坰者。峯巒露谷。草木泉石。皆有自然之致。不多假力於人爲。則欲勝衆輿曠。豈易得耶。余嘗以夏日偕祭酒遊其園。空語於妨齋。軒南爽豁。暹納駉景。遙窺疏柳。搖動於午風之中。波塘積澹。滄漣溶漾。駉貨久之。幾不知有煩暑。此亦足以厭遊目娛之志。而又奚少之云。且夫致飾之道無窮。苟非其人。雖美弗貴。祭酒清望隆海內。既歸。益殫力籌述。不恆與物接。過其里者。常慨然慕想其高致。則其園則增重矣。雖然。余懼祭酒耽林泉之適。蘊其誠而不後輸也。爲之記。因以叩之。光緒十六年仲冬月

## 重修葵園記

葵園。先公歸里時所築居也。在長沙北郭古荷花池東。幽靜絕市聲。而書閣花繞。清池樹環。羣鳥以時和集。蓋先公南

歸。窳易遷。息影著書於其間者數十年。人以此為先公號。乙亥之夏。軍庫失慎。殃及園林。先宋夫人典守經書。驚悸以沒。兄弟易產。園與祖陶。乃貸田貸金。鳩工經營。三月始成。不異舊觀。倚北南向。為虛受堂。樓貯遺書。西屋家人居之。讀書課子。勉修故業。越二年乃為之記。於戲。學槐伯申。敢略風於前哲。業承儒素。期無忝於先人。世世子孫。鑒予此志。丁丑仲春男祖陶謹記

### 重修榮祿公祠堂記

先開學自罷官南歸。業成官顯。本原先德。建祠纂譜。以慰先靈。復本土立一廟之誼。別建榮祿公祠堂於省城之稻谷倉。距葵園不數武。考公自訂年譜。稱清光緒三十一年乙巳。修榮祿公三世以下祠堂。春秋祭祀。歲以為常。自公卽世。祀典沿舊。乙亥之夏。隔鄰軍庫失慎。彈藥爆裂。祠宇悉燬。先是祠產有稻谷倉屋數所。附郭田租數石。某歲六月。兄與祖。弟祖恩。稟承宋毛兩夫人。請遷族祭。公推祖陶經營。祠產早已提折淨盡。祖陶經營者。祠宇而已。自丁茲劫。賃金興工。以冬歲事。用金如千。明年二月。舉行奉祭。禮儀隆肅。安安神靈。先公著書成業。光顯前人。世皆尊其學由孝入。今幸先祠完復。俎豆有嚴。考世系於一原。播芬芳於萬葉。我王氏子孫。其永賴斯世德以立身也。丁丑仲春祖陶謹記。

### 涼塘先墓記

涼塘。先開學葵園公晚年讀書樂道處也。在長沙之東諸喜鄉。去省垣三十餘里。風景清幽。氣象闕闊。一望平原。禾麻遍野。有屋數椽。足庇風雨。先公自江南遷歸。以廉俸置之。鼎革後。著書其中。杜扉弗出。門生故友。或來晉謁。書陳四壁。談論少休。於時祖陶方在髫齡。侍讀左右。四年之間。親見先公成范史集解。元史拾補。外國通鑑。新舊唐書合注諸書。日夜罔息。以成不朽之業。飯蔬飲水。淡素自安。適以年衰。竟爾撒瑟。以民國六年丁巳十一月二十六日巳時端坐而終。生前曾面諭葬仙入市先王母鮑太夫人墓側。以侍先靈。嗣因其地卑濕有蟻。不能安葬。乃以其年十二月二十六日葬涼塘附宅之原。今距先公之歿。十有九年矣。崇崗迤邐。宿草萋萋。歲時祭掃。撫景增悲。追念先公之殫精文業。列傳儒林。實有耀於吾宗。而著述纍纍。四千百卷。克全晚節。用底大成。則又功施於士林。德輝於奕葉者也。祖陶愧以樸材。莫恢先緒。惟家居衍衍。保守遺書。庶幾誦清芬之世德。慰先靈於在天。同邑徐君紹周。曾造葵園著書圖。表揚先跡。因自繪涼塘先墓圖。上之宗牒。以志不忘焉。民國二十五年歲在丙子孟夏月既望男祖陶謹記

### 題涼塘隱居圖

李世瓌

甲戌秋日。石菴仁世兄先生。屬涼潭塘隱居園。涼塘。在湘東龍喜鄉。距楊梅河里許。即其尊翁葵園先生隱居地也。當國變後。先生隱此。嘗言惟聞杜鵑往復哀鳴。至六月而聲絕。觸目感時。寄諸吟詠。故先生之詩。有楊梅河畔見歸鵲。及六月變聲聞杜鵑之句。至今讀之。猶令人神往其情景也。畫成。并綴七律二章。另紙書後。以志景仰。

湖深林僻是涼塘。又見湘西舊草堂。萬卷藏書真著作。千年遺墨大文章。老槐蓋屋如封洞。魁柏常虛不受霜。添補畫圖成一幀。卷端懷慕古茫茫。

門前水繞一溪橫。草色波光照眼明。儘有雲煙足供養。別開池館自幽清。楊梅河畔帆飛影。虛受堂前鵲變聲。瞻仰高風磅勝迹。客來疑在輞川行。

## 名賢來札選錄

王祖陶述

益吾先生仁兄閣下。太學得師。多士斐然有作者之意。欽向欽向。尊客超邁。尤所伏膺。惜未學不足承教耳。饋奠無少

英園年刊 第一集

暇。何繇奉談。敬申謝不次。弟翁同龢頓首。十四日卯初。益吾尊兄大人經席一再辱過。未獲聆教歎悚歎悚。太學之衰久矣。得碩儒提倡微書之學。吏常亦樂從。閩粵那督撫與餘雖非深交。必應加兩切懇。四五日後即奉呈。由公牘一併遞去何如。猥辱起居佳勝不一。弟翁同龢頓首謹覆。廿七日恪靖疏稿七本送上。其已鈔者。皆爲折角。尊處所錄。光緒三四年諸册。乞賜借一抄。敬請

益吾老前輩同年大人撰安。 侍陳寶琛頓首四月十九日

益吾仁兄大人閣下。別日苦多。企想 光儀。有隳飢渴。前奉賜函。並蒙頒示漢鏡歌釋文箋正案解。冥昧之中。而比附明確。徵引宏富。可謂闕達博覽者也。序例窮研。極考旁推。交通其辭。洞古醇懿。而仍出之疏爽。劉彥和任彥升之品事述文。有同斯語。不謂近得之吾黨。欽佩何涯。介弟沈思精識。實先發其旨趣。窺君文而益爲之悽惋。尊撰漢書集注。已成幾許。具此精鑿。當便三劉避席。大業日新。彌增企仰。吾鄉宋時有鄧忠臣同文館唱和詩十卷。鄧紳伯集二卷。四庫館書目。並已著錄。而外間別無傳本。意思就四庫館錄出。敬乞閣下一爲鑒之。所需短墨之費。俟查明開示。再奉寄耳。手此奉謝。敬請台安。愚弟郭嵩燾頓首四月十二日

益吾仁兄大人閣下。前奉惠書。並承賜嘉錄。感極。太學書籍殘缺。允宜廣採。以供諸生博覽。讀佳示。仰見教育深心。不勝欽佩。浙書局所刊各種已令各備一部。裝好俟解餉入都。

寶呈，承大容當即具牘咨復冰案矣。幸仁甫資治通鑑。長編已刊竣。而謬字尚多。另派十人分校。計九月可畢。役時劇好。或輪舟未止。尙可速寄。此外如三通祇得其半。未知何日了也。嗣後私家刊書者稀。浙中藏書家。以丁松生天令爲最。亦不聞另有刊本。如閣下有所聞見。乞示及以便採購。西湖文瀾閣燬於兵。幸松生搜羅閣中藏本得十之四。然多不全。庚丑尊經閣無人翻閱。去冬集款重修文瀾閣。並以千金購得圖書集成一部。亦缺百餘本。現補鈔完好。置之閣上以供此郡人士泛覽。亦復訪求故家遺編。藏之此樓。或可久遠。且冀他日得返初服。藉覓生平未見之本。以補餘憾也。時勢多艱。要以正人心厚風俗崇樸學爲本。閣下所務在大者遠者。循是求之。必有功效也。手復即頌大安。弟譚鍾麟頓首潤月初九日

益吾仁兄世大人閣下。奉誦遐雲。前此喪喪之意。乃蒙齒及。慚惡滋深。就諒著述日多起居康勝。如頌爲慰。弟才幹識陋。謬乘三旌。臨澗履冰。時時祇懼。伊黎一案。焦舌者半載有餘。主郭之相待也。始則冷語相侵。繼則危詞相脅。迨至仲冬之季。大局方有指歸。而商議約章底稿。又往往因一字一句。反覆辯論。至數千萬言。直至正月二十六日始行定約。畫押。爰將開而復頌。私心亦微稍慰。然其幸而克濟者。則實有天意存乎其中。伊黎據形勝之勢。土田肥沃。又饒鐵利。俄之疆臣。實欲據之以爲屯兵紮餉之所。果如所欲。則

未可以阻我天山南北兩路之聲援。而從中觀變。西可以控制哈薩克。希魯特。及浩罕諸部。而禁其剽掠。又國多內亂。其執政常欲藉外豎以消納患亂之民。迨崇約既翻。我國士大夫。持論雖正。然遠有設兵籌餉之舉。則又未免過激。俄之備兵遣船。實亦有所藉口。兵船東駛。某願空歸則欲赴華議約。以便歸功於海部者。又實有已之隱衷。彙此數端。則當時之欲藉以下手者。惟有稍寬商務一途。蓋以布策。力持商務。而外部惟其言是聽也。從此入門則可以壓彼之欲者。實亦無損於我。查吾華與西國通商以來。每歲入口貨值。浮於出口者約銀一千萬兩有奇。以華銀之日出不反也。宜乎賢士大夫斷斷然。而力持之也。不知此千餘萬兩之銀。西商之宮食車馬。及一切日用飲食之所需。其仍散於吾華者已及半矣。而華人之謀食外洋者數十百萬。歲入之資。人以十兩計之。已不下數百萬。通盤抵算。彼此適均。而國家歲收千萬兩之稅。以修我邊防。又何損乎英人富疆甲天下。而海關册報貨值亦係入浮於出。蓋金銀亦百貨之一端。貴在流通。積聚太多。不能無弊。英多金錢。而物價昂美。又多則又昂。祕魯最多則昂不可言。是知真多益寡。貴得其平。通商所以觀其平也。即令華銀果出洋不反。在我亦不難發未發之寶藏以濟其窮。且以不可衣食之銀。易彼可衣食之貨。煎鍊開採。貧民獲食力之方。國家獲徵稅之利。不且上下交益乎。而吾華議不及此。輒侈口軒眉謂通商爲大益。至有願乘

地而不願運商者。故於商務持之尤堅。而弗遂幾至無可措手。幸俄君於釋崇結案一端。深喜中國之全其顏面。又念二百年之交好。不欲輕啓罅端。力排衆議。釋怨讎。乃定約稿十餘日。而俄君殺害矣。向使先半月而難作。則新立嗣君。恐未能遂遂衆論。即幸而完結。又不知幾受磋磨。由此觀之。夫固我朝二百年懷柔之效。又天之默相我國家。乃得會逢其適耳。豈弟之非材所克臻此。又豈始念所能料及耶。然就事而論。則顧此失彼。誠漏豈曰全無。伊犁之西境。彈丸之地。因商務不可概允。遂不得全數歸還。尤紀澤之所內疚。乃承貧儲過情。徒增愧耳。來示謂自外洋交涉以來。議者非失之懦。即失之激。誠爲篤論。儒者無足論已。激者之中。略分三等。下焉者視洋務爲捷徑。求之不得。遂妄肆譏評。以快其私。其次則中無所主。隨聲附和。以自詡爲清流。而適時譽。其上者則發於義憤。心實無他。祇以不明事勢。不識夷情。故其言大而無當。虛而無薄。非惟欲執雍乾間之議論以治之。直欲取三代上之局勢以當之。其實乾隆時。英使臣曾入覲矣。與廷臣議論不合。特命以見其君之禮。晉見錫賚燕享。恩禮有加。何嘗強使屈服哉。且古人取遠。不外懷柔。懷者爲靡之論。柔者馴擾之謂。古與今名異而實同。從未有堅閉固拒。深惡痛斥。而能善其後者。方今風會已開。勢不能閉關謝客。莫若昭示大信。因其勢而導之。迎其機而解之。彼此兩益。及益於彼而無損於我者。慨然許之。

有損於我者從容割折。百變以折之。無出惡聲。無爭虛禮。彼族雖強。究屬禮義教化之邦。非苗犛生番可比。我誠據理十足。固無虛其一言不合。倉卒失和也。爲今之計。誠擇清議中之材畧較優者。令其遊歷各邦。俾得擴充見聞。證諸事實。將來即以之內參機務。外備公使。則洋務庶有起色。我兄以卓越之識。於時事得失。潛探默究者。亦既有年。又早請祕書。深悉國朝掌故。有以明乎因革損益之源。故能獨見其大。不爲時論所移。將來誠得居中取馭。自能因應咸宜。奈何僅欲以著述詔來茲。得毋過自斂抑耶。龍門之文章。得力於游覽者居多。賢哲如我兄。其有意乎。大著東華續錄。嘉慶朝業已竣工。道光以下。亦陸續開雕。聞之欣快。急思拜讀。倘蒙惠賜。交上海出洋文報局。本可遇到。惟展轉抵歐。在半年以後。瓜期不遠。弟且歸矣。固不如暫存郡中。俟弟抵京時細心展讀。較遠道寄來。更爲妥協。弟自俄約定後。正月二十八日旋法。二月中旬過英。小住仍返巴黎。出月初旬。常移駐倫敦。五月間約章計可發出。又常往俄互換矣。荷丈前乞爲道意。前有賜函付諸洪喬。曷勝悵悵。舍弟爲病所困。諸事廢然。友朋見惠之函。宜由華洋書信館遞天津文報局。無不達者。手復敬請道安。世弟弟曾紀澤頓首三月廿一日

夫子大人函丈。手諭敬悉。古笈自以先睹爲快。但未知同人有此高興。獲成鉅觀否。新近日俗冗糾纏。恐未必速竣耳。

適日容走謁。恭請鈞安。受業朱一新敬啓。

益吾夫子司成鈞鑒。手教敬悉。青門集於癸亥。甲子間贈同鄉沈麟湖學博。其人早南歸。二林居士集於壬申歲借之。冒夫學士示知。今尙有否。頃聞。其長郎病危。未便遯問之。若有十餘年。前遺稿一冊。中有與譚仲脩書。實商之學長。更以奉覽。平日所心俱載在日記。及所閱諸書中。零星斷爛。未及整理。此冊隨時擬存。偶得成編。別無副本。尙望閱後即賜擲還。春暮多風。台候想佳。無任念念。復請崇安。受業李慈銘頓首二十四日

葵園老前輩大人坐下。奉正月十九日還教。始知去臘尙有來札。及惠寄之三家詩義疏未到。旋於次日接舍間守僕來信。將尊函先從郵局遞到書二部。則存候輪船。達省時再行帶來。故至今尙未得讀大著。春水方生。想早晚亦可得也。子修一書。已即日發去。並告以展轉遲滯之因矣。書中言去夏之末偶爾逢和。月餘始愈。一冬調攝。起居定益康強。小郎琅玕日長。歡號無量。節庵初入傳時。有書來告。係以三品京堂在毓慶宮行走。并著紫禁城內騎馬。此間眷屬均北上矣。厚菴婦隨其母家在滬暫寓。終當還湘。常聞其定欲親謁師門。求爲厚菴志墓之文也。泐此奉復。先謝嘉惠。敬請頤安。侍鴻禧頓首。二月十八日

葵園夫子大人函丈。自春徂秋。一再遷家。時局紛紜。病魔恫懼。削履疏曠。恆疚於心。臘鼓聲中。忽將改歲。伏承道

躬冲粹。潭府咸盪。瞻企門牆。傾心頌禱。湘中尙多擾攘。遷徙者多。鄭公之鄉。絃誦不輟。新舊唐書注。度將告成。范書補注。曾否印行。三家詩印本已託工否。倘蒙遇便。以前刊二種先行賜寄。俾獲紬繹。實所忻幸。三家詩鈔文。迄未著筆。皇棟萬狀。蓋自三月間浙標獨立之名。倉卒辟地。重作僑人。所居湫隘。家人十九多恙。強事排遣。都無好懷。八月初。料量歸計。城內猶安。暫獲休息。復以修葺先塋。常居山中。乃冬臘之際。軍警交開。一夕數驚。既無再徙之力。姑作閉關之守。比則督軍已易北軍。壁壘一新。但冀主客。無猜式不至。操戈同室。聊以卒歲。敢曰優游鉛麈。久疏彌愧。無以報師門之期許也。止相時復。通問健康。如昔藝風。頗遭謗議。近時意興亦不如前。史局停頓。故經兒亦在里門。不復北去。近注晉書。頗足遣日。肅賀歲禧。並頌閣第均吉。不盡悵叩。受業吳慶坻謹啓十二月二十一日

案先公與外間名賢書札。往返最多。頻年遷徙。存者什一。祖陶裝藏者。約名賢來札七十首。先公家書手諭百餘首。皆待錄寫。不復俱刊。影印如于。尙須時日云爾

吳祖陶敬識

# 先王父葵園公著述目錄攷

王代蕃

著書垂教。防自尼山。繼往開來。厥功斯著。先王父葵園

公起家寒素。尙志讀書。少從水師。爲人司記。終能上達。

翰苑畫美。博覽羣編。覃心著述。五十以後。辭官南歸。息

景葵園。杜門謝客。卽主城南嶽麓之苑。求中思賢之室。勉

居其名。亦不長往。辛亥園變。徙家平江。載書自隨。視爲

性命。(公遺屬謂平生以書爲性命)適避匪禍。晚隱涼塘。

臨終前夕。手猶執筆。好學之勤。可謂至矣。公卽世時。于

方三月。留華易逝。今逾廿年。小子何知。攷工爲業。於公

遺著。未識蠲漙。已刻之書。版藏兩宇。坊間翻印。益廣流

傳。未刻之書如干。待續之編尙有。攷其目錄。用以自知。

作先王父葵園公著述目錄攷。凡四卷。

公崇經術。漢宋一塗。上類阮書。曠古貞儒。書正孔傳。詩

疏三家。門庭廣大。學林所誇。述經學著述目錄考第一。

尙書孔傳參正三十六卷 家刻本

詩三家詩義集疏二十八卷 家刻本

成臯清經解續編一千四百三十卷。

成南菁書院叢書一百四十四卷。

歸七我祖。乙部專精。漢書之學。用集大成。

集解范書。合注兩唐。亦補元史。根據邵陽。遷史旁證。黃

山有藏。晉書未修。考終涼塘。述史學著述目錄攷第二。

漢書補注一百卷 家刻本

後漢書集解一百二十卷 家刻本

新舊唐書合注二百二十五卷 待刊

元史拾補十卷 待刊

史記旁證如干卷 黃山藏

新修晉書如干卷 未成

成東華錄二百卷

成東華續錄四百十九卷

成五州地理圖志略三十六卷 家刻本

成日本源流攷二十二卷

成外國通鑑三十三卷

三國志賈治通鑑亦有著述序例皆不見

公於丁部。邨子爲精。集解莊書。胸次和平。釋管待刊。楊序

已明。述子學著書目錄致第三

邨子集解二十卷 家刻本

莊子集解八卷 家刻本

管子集解二十二卷 待刊

公之詩文。自成一派。本原忠孝。韓歐歷加。庶績姚慕。廣輯

駢文。十家四六。搜采彌勤。述文學著述目錄致第四

盧受堂文集十五卷 家刻本

盧受堂詩集十七卷 家刻本

書札四卷 家刻本

葵園四種

葵園自訂年譜三卷 家刻本

續古文辭類纂 思賢局刻本

駢文類纂 思賢局刻本

律賦類纂 思賢局刻本

十家四六文鈔 思賢局刻本

六家詞鈔

思賢局刻本

公所刻書。字取雅正。用力校讎。實其天性。天祿之書。郡

齋之志。碑景敬文。皆有校記。述校刻諸書目錄致第五

正續天祿琳瑯書目

郡齋讀書記

前後編鹽鐵論

世說新語

合校本經注

景教碑文紀事考正

魏鄭公諫錄續錄校注

文貞故事拾遺一十一卷

詩義標準一百十四卷

鮑太夫人年譜一卷

成季弟先恭未竟之書



# 經售王葵園先生之遺著

吾滬國學大師王葵園先生。著述極富。已刊行者。都百餘種之極豐。考據尤為詳確。嘉惠士林。萬流鏡仰。惟近年因時事停頓。坊間既少流行。學者每苦無從購閱。本市「古今」一謙局。以中外各界搜集英園遺著者甚多。為廣流傳計。特向其局。訂約租得王氏家藏全部板片。印行發售。紙張裝訂。均仿古舊。尤便收藏。經售處在本市府正街「古今」一謙善「長康路」泉街「文善」等四書局。定價低廉。欲覽英園遺著者。從此當。茲將書目。約誌之於次。以供閱者之選購焉。

- 一、前漢書補注
- 二、後漢書補注
- 三、清十一朝東華錄
- 四、續古文辭類纂
- 五、尚書孔傳參正
- 六、詩三家義集疏
- 七、日本源流考
- 八、莊子集解
- 九、荀子集解
- 十、五州地理志
- 詩義標準
- 韓子集解
- 漢魏歌辭文箋正
- 魏鄭公諫錄

## 經售處長沙

府正街古今書局  
府正街謙善書局  
長康路集古書局  
玉泉街文善書局

## 本刊重要啓事



益學林  
茲將搜  
如于首  
多。待  
名賢來  
新李慈  
如何予  
左文襄

李文瀾吳清卿莊府良百餘家之傑構。皆可影印。舉凡是類。不勝指述茲先生哲嗣石庵諸子。皆擬彙刊。俾揚先澤。有關文獻。足振楚風。約孟冬之月。可以見書。用預為言。以諸世之好徵文者獻者。

不息生代啓

謹啓

# 編後餘談

魏節山

昔鄧湘泉職方之馬聖權羅學生諸賢。好事徵文考獻。纂輯有書。湘學之光。于斯燦爛。厥後東南底定。曾文正刻船山遺書于金陵。表彰鄉賢。不遺餘力。再而魏威肅刊古微遺書。王葵園積臯清經解。湘儒經學。因益流播。鼎復以還。湘省多難。湖南叢書之刻。中止未成。通志文徵之內。尙待續纂。邇泊今茲。天下術裂。鄉賢學業。後生鮮聞。青衿多嗜歐西竊傑傳記。侈言殺伐。是則可愛也已。今歲夏正七月一日爲長沙王葵園先生九十有六誕辰。距先生之沒已二十年。門人後進。將於是日。舉行公祭。典禮重隆。專督先備。哲嗣石庵延祺諸子。及文孫震萬君。檢交先生卽世後所收詩文如千首。屬節山編爲年刊。以彰先德。意至善也。節山夔寄讀先生故廬有年。夙仰先生南服儒宗。學綜四部。著述四千餘卷。萬葉景行。今茲又來。承諸嗣之殷勤。欣明德之有後。葵園故址。氣鬱益新。書聲與紡織之聲達戶外。樓書永在。遺澤猶存。此末世所難見者也。茲編所錄。皆先生從弟先益先生手抄。前列待刊遺稿四篇。未付名賢遺札十首。歷年儒流詩文。皆采入。都爲一集。學者藉之。可知先生之學門庭廣大。放卷自如。非第詞章攷據而已也。噫。是能爲百世之師夫。

葵園年刊第一集

中華民國二十六年八月六日出版

(每冊實價法幣二角)

編輯者 葵園年刊編纂會

總發行處 長沙稻谷倉三號王宅

承印者 長沙湘嶽印刷公司

## 經售處長沙

- |      |       |
|------|-------|
| 藥王街  | 商務印書館 |
| 府正街  | 古今書局  |
| 府正街  | 謙善書局  |
| 長康路  | 集古書局  |
| 玉泉街  | 文善書局  |
| 玉泉街  | 廣文書局  |
| 中山東路 | 明明書局  |
| 中山東路 | 續續書局  |
| 三公祠街 | 陶治書局  |
| 南陽街  | 懷懷書局  |